



240307

Маг. St. Dr.

Залъ ..... 6  
Шкафъ ..... 25  
Полка .....  
Мѣсто ..... 242.

~~Exhibit 10  
2011 88~~

*Ex*



240307

I

20 148

5

Dufrêne Maximilien

Sommer vogel 861

II 7 6 / 6

of 2.

*Sub litera H Bib. Nov. VII.*

# RUDIMENTA HISTORICA,

*Sive*

Brevis, facilisque Methodus  
Juventutem Orthodoxam notitiâ  
Historicâ imbuendi,

*Pro*

Gymnasiis Societatis JESU

*Authore*

*Ejusdem Societatis Sacerdote.*

OPUSCULUM SECUNDUM,

De IV. præcipuis Monarchiis.

*Seniū  
Diā  
Vile*



Cum Facultate Superiorum,  
Juxta Exemplar Wratislaviense reimpressa

BRUNSBERGÆ,

Typis Collegii Societatis JESU. Anno 1737.

*Inscript, Ath. ab: Ao 1748.*

240307  
I



1623. cc. 37/38



## PRÆFATIO AD LECTOREM.

**D**em, qui priori, & huic parti alteri sensus est & scopus, Juventutem orthodoxam Historicā instituere noti- tiā, ut experimento subin constet, quā potissimum Methodo ad præfixum finem valeat eadem perduci; Cūm omnino compertum haberi oporteat, non alio, nisi experientiæ ductu hac in re desideratam attingi metam: unde tandem fiet, ut ejusdem Juventutis Instru- ctio plenior, perfectiōrque prodeat. Li- bellus, quem præsentem tenes, Monar- chias quatuor ad usque Servatoris Na- tales, & ab his, Romæ neccum recte credentis Imperatores, ad Constantini usque tempora exhibet. Quinam Im- perio, postquam illud Christo paruit, Cæsares præfuerint, Pars sequens do- cebit, ut libello utriusque modus idem, formaque eadem respondeat.



## DIVISIO OPUSCULI.

### PARS PRIMA.

#### De Monarchia Assyriorum.

Caput primum, de Monarchis Assyriæ usque ad Sardanapalum.

Caput secundum, de Monarchis Assyriæ à Sardanapalo usque ad Monarchiæ illius finem.

### PARS SECUNDA.

#### De Monarchia Persarum.

Caput primum, de primis quinque Monarchis Persiæ.

Caput secundum, de quinque posterioribus Persiæ Monarchis.

### PARS TERTIA.

#### De Monarchia Græcorum.

De statu Græciæ ante Monarchiam.

Caput primum, de primis veteris Græciæ temporibus.

Caput

Caput secundum, de tempore medio anti-  
quæ Græciæ.

Caput tertium, de tempore postremo Græ-  
ciæ veteris ante erectam Monarchiam.

*De memorandis Graciæ, dum per Alexan-  
drum Monarchia evaderet.*

Caput primum, de actis ab Alexandro ut Ju-  
vène.

Caput secundum, de gestis ab eodem ut  
Rege.

Caput tertium, de factis illius ut Monar-  
chæ.

*De statu Monarchia Græca post  
Alexandri obitum.*

1. De Regno Macedoniæ.
2. De Regno Asiæ.
3. De Regno Syriæ.
4. De Regno Ægypti.

**PARS QUARTA.**

*De Monarchia Romana.*

*De memorabilibus Romanis ante  
Monarchiam.*

Caput primum, de statu Italiæ ante Romanam  
conditam.

Caput secundum, de statu Romanorum sub Regibus.

Caput tertium, de rebus Romanorum sub Consulibus.

§. 1. De gestis Romanorum ante bellum Punicum.

§. 2. De triplici bello Punico.

§. 3. De bellis externis post bellum Punicum.


§. 4. De bellis Romanorum intestinis ante erectam Monarchiam.

### De Monarchis Romanis.

Caput primum, de Imperatoribus Romanis primi saeculi.

Caput secundum, de Imperatoribus Romanis saeculi secundi.

Caput tertium, de Imperatoribus Romanis saeculi tertii.



BRE-

# BREVIS INFORMATIO DE QUATUOR MONARCHIIS.

1. Quænam sunt hæ quatuor Monarchiæ?  
Assyrica. Persica. Græca. Romana.
2. Cur hæ Monarchiæ p̄ Regnis aliis principem locum merentur?

Tum, quòd potentia, dignitatēque cæteris prætent, tum, & maximè, quòd earundem in sacris Paginis frequentior memoria recurrat.

3. Qua sub imagine Monarchiæ hæ quiescenti olim Nabuchodonosori Regi objecta sunt?

Sub specie prægrandis Statuæ, cui caput ex auro, pectus ex argento, venter æneus, crura, pedesque quà ferrei, quà lutei erant. Videbat præterea Rex lapillum de monte proximo sua sponte solvi, subin & devolvi, atque adeò ad ipsos statuæ pedes eo impetu allidi, ut universa continuò machina primò quidem iret in præceps, tum in pulveres, tandem & in ventos & auras. Porrò lapillus ille miris incrementis subito in montem est actus, qui sua mole orbem, quàm latè is patet, impleret.

4. Quænam super prodigioso hoc somnio interpretatione Danielis?

Capite aureo Assyricum, argenteo pectori Persicum, ventre æneo Græcum, pedibus tum ferreis, tum luteis imperium Romanum desi-

guari. Lapillo denique Servatorem orbis ad humanæ quidem carnis ima dejiciendum, ex ea tamen abjectione Regni sui fines ultra omnem mundi potentiam, fastumque extensurum.

5. *Quidnam emolumenti capimus ex hac de quatuor Monarchiis historica notitia?*

Multum sanè; quidquid enim aliis in historiis occurrit eventuum, illud ex hac una facili negotio deducitur. Dein Regnorum vicissitudines amplissimorum, quorum tam illustres ruinæ extiterunt, vanitatis terrenæ salubri mentem cogitatione percutiunt. Ecce, cum Historia magistra sit morum, facit eadem, ut altioribus posthac ex regulis vitam componamus.

6. *Quæ chronologia à mundo condito ad usque Christi Natales?*

1. A mundo creato usque ad initium Monarchiæ Assyricæ fluxerunt anni - 1879.
2. Stetit Monarchia Assyrica ab anno 1879. usque ad annum 3516. adeoque annis 1637.
3. Monarchia Persica ab anno 3516. extendit se ad annum 3724. duravit annis - 208.
4. Cæpit Monarchiæ Græca anno mundi 3724. continuata ad annum usque 4024. tenuit annis - - - 300.
5. Monarchia Romana cæpta anno 4024. usque ad annum 4053. quo Christus Servator mundi, natus est mundo, implevit annos - - - 29.



## P A R S I.

### De Monarchia Assyriorum.

Adverte primò, quisnam status fuerit Regno Assyriæ antè, quām ei Sardanapalus imperaret? Secundò, quæ eidem Monarchiæ conditio à Sardanapalo, usque dum ea soluta penitus exspiraret?

### C A P U T P R I M U M.

#### De Statu Monarchiæ Assyricæ usque ad Sardanapali tempora.

I. *Quis Monarchiæ bujus primus conditor fuit?*

Nemrodus, qui Nōémi pronepos fuit, nepos Chami, Chusi, sive Beli filius. Hic, ut libertate eā, quā sub Patriarchis fruebantur mortales, eos privaret, ingenio usus est suo, animoque dominandi avidissimo; corporis insuper robore, quo præstabat. Titulo ita-

10 *Pars I. De Monarchia Assyriorum.*

que Regis assumpto urbem molitus est Babyloniam, quæ à locata ibidem sede regia Imperii metropolis fuit. Quinos supra sexaginta annos imperavit; quod verò imperaret ut Tyrannus, violenta aliorum manu perit. Anno mundi millesimo nongentesimo, quadragesimo quarto.

*II. Quis Assyrici Imperii alter Monarcha fuit?*

Ninus Nemrodi filius, ut Sangvinis, ità & ambitus, fastusque paterni hæres. Hic sui ut imperii spatia extenderet, manum adhuc uitam armatam, quâ Assurem, filium Semi, Assyriam sibi suam cedere cœgit. Jactis subinde ad Tygrin civitatis novæ fundamentis eam suo ex nomine Niniven dixit, regiaque sede nobilitavit, vindicatâ sibi Dominatoris Assyrii, Regisque appellatione. Nemrodi Parentis memoriæ statuam excitavit, quæ primò humanis, post divinis honoribus cœpta est coli; unde Idolatriæ sceleri sua vel initia, vel certè incrementa exstitere. Præfuit Imperio Ninus quinquaginta duorum spatio annorum, quos & ipse fine signavit cruento, violenta nece sublatus. Anno mundi millesimo nongentesimo nonagesimo sexto.

*III. Quis decadenti Nino successit?*

Semiramis uxor Nini prima omnium fuit, cui è sexu famineo sceptri honores obtigere. Ausa est ambitiosa mulier id favoris à Con-

*Pars I. De Monarchia Assyriorum.* II

Conjuge petere, sibi ut liceret quinque, haud amplius, diebus regimen capeſſere. Acquievit ille. At Regina ſuæ potestatis documentum datura, jussit maritum mori. Ipsos quadraginta duos annos tenuit thronum, quem per vim conſcenderat. Urbem Babyloniam eo firmavit præſidio mænium, quæ & altitudo, & soliditas operis ad posterorum memoriām celebravit. Effecit porrò, ut urbi ei- dem egregius decor accederet ex magnifica- rum ſplendore ædium, hortorūmque, quos penſiles vocitabant, artificio viſendo in pri- mis. Laudem & à Marte ſecundissimo, quo brevi admodum temporis impendia Medos, Ägyptios, Libiosque perdomuit, Nominis ſibi famam comparavit, quæ, nè immortalis exiſteret, vita obſtabat turpiſſima libidine in- famis. Niñæ filio hæc ita diſplicuit, ut ſce- leret Matrem majori ipſe ſcelere percu- ret gladio. Anno mundi conditi bis mille- ſimo trigesimo octavo.

*IV. Quæ ratio, quisve modus Regininis, quo trigesimæ tres alii Reges ad usque Sardana- pali tempora Assyriae imperitarunt.*

Horum vivendi ratio caruit ratione, ut qui neglectis Regni curis, diſfluebant deliciis, in- digni, quorum vel nomina ad Posterōs tran- feant.

*V. Quis Sardanapalus fuit?*  
Septimus ac trigesimus Assyriae Rex; ſolo  
ferē

ferè à Majoribus nomine erat diversus, per omnia voluptatum, foeminarumque mancipium, cui proin subestè renuebant subditi. Qui primus jugum excussum, Arbaces erat, Præfector Mediæ, hic dum fortè Regem medium in grege foeminarum abjecto cultu regio, muliebri sub habitu ad fusum & colum sessitantem cerneret, societate cum Belocho, qui Babyloniae prætererat, contra hominem indignum inita, eundem suam in regia statuit oppugnare. Sardanapalus ultimo circumventus articulo, ultimum à desperatione consilium cepit, extrema probra, extrema manu, eaque violenta in semetipso præventurus. Jubar ergo, quidquid in regia molliculorum esset stragulorum, quidquid nobilioris thesauri, acervari in cumulum, faces subin ad moveri, certus cum his ipsis, quibus antem insanus assueverat, eodem rogo interire. Insiliit, conflagravit. Anno mundi ter millesimo centesimo septuagesimo octavo.

## CAPUT SECUNDUM.

De Statu Monarchiæ post Sardanapalum, usque dum Monarchia hæc omnino interiret.

1. *Quot universim Reges tenuere Assyriam, dum Monarchia hæc penitus desineret?*

Duodeni universè, quorum è numero quin-

*Pars I. De Monarchia Assyriorum. 13*

quinque à te notari velim. Sunt autem: Salmanassar, Sennacherib, Merodach, Nabuchodonosor, Balthasar.

*II. Quid de Salmanassare memorandum?*

Hic in Regum serie quadragesimus ad annum usque mundi ter millesimum trecentesimum decimum septimum, Isrælitici eversor Imperii erat; hujus ille Regem Ozeam, unā deceim Isrælis stirpes, & in his Tobiam, cui pietatis opera Pii nomen fecere, captas in Assyriam transtulit. Deserta Samariæ jussit à Chaldæis insideri, qua ex re Judæos inter ac Gentiles ea sacrorum confusio extitit, quæ Samaritanos ab Hebræis, rectè tum creditibus, æternis animorum dissidiis separavit.

*III. Quanam de Sennacheribo merentur memoriam?*

Annus erat nascentis mundi ter millesimus trecentesimus decimus & octavus, cùm Sennacherib dominaretur Assyriæ, homo Hebræo nomini, Numinique infensissimus. Qua tempestate Ezechias Judæis imperabat, Sennacheribus exercitum formidandum in paucis admovit Jerosolymis, certus urbem quâ ferro, quâ flammis perdere. At prævaluere inimicis consiliis, Regis, populique preces. Adebat ex imperio Numinis armatus Angelus, qui unius spatio noctis centum octoginta

14 Pars I. De Monarchia Assyriorum.

ginta quinque millium stragem unus unicus edidit, simul inimicum Martem brevi omnem exarmavit. Consternatus flagello hoc Sennacherib, persaserat sibi, illud ab indignantibus Diis vibratum: horum ergo furorem ut placaret, geminos natu minores filios hostias parat: dumque est in eo, ut sacra impia consummet, Fratres duo maiores natu Parentem ipsum filiis substituunt victimam. Anno mundi ter millesimo ter centesimo vi gesimo tertio.

IV. *Quid de Merodacho prodidere Scriptores precipui?*

Is, etiam Nabuchodonosor nuncupatus, captis Jerosolymis, Manassēm earundem Regem, abstraxit in Babyloniam; indē tamen post septem annorum vincula denuo eundem suis reddidit, ac libertati.

V. *Quis erat Nabuchodonosor cognomento Magnus?*

Sextus erat ac quadragesimus Gentis Assyriæ Rex, quem ipsum os divinum universæ terræ malleum dixit, ut qui orbem propè universum armis contrivit. Eversis Jerosolymis, multa Hebræorum millia, cum his & dictata cultibus divinis vasa in Babylonem abripuit. Tam prospero rerum successu plus nimio elatus, sibi statuam poni auream jussit, in eaque honores humanis maiores deferri. Tulit

Tu  
min  
tem  
cum  
gra  
sept  
pla  
ptr  
syl  
per  
nul  
etu  
tesi  
  
dri  
gel  
rex  
adv  
mu  
pro  
tar  
fest  
in  
nu  
bu  
sun  
pre  
im

Tulit fastus insolens dignas se poenas à Numine, dum is, qui nuper ultra hominum sortem se extulerat, jam infra sortem hominum cum bobus per sylvas errans, vescénsque graminibus, devolveretur. Evolutò tandem septenniò in se reversus, poeniténsque facti, placato Numine, ad formam hominis, sceptrumque rediit. Vitæ biennium, quod è sylvis reverso, reliquum fuit, placandis superis, Divinóque cultui, Daniele (quæ non nullorum est mens) instituente, dedit, extintus anno mundi ter millesimo quadringentesimo septuagesimo secundo.

VI. Quid de Baltasare constat?

Anno orientis mundi ter millesimo quadringentesimo nonagesimo quinto, quadragesimus nonus, isque postremus Assyriam rexit: anno autem ab imperii parùm rectè administrati auspiciis convivium apparavit multò sumptuosissimum, cui & vasa templi, profanos ut calices, quibuscum convivæ certarent, adhibuit. At ecce! dum plausibus, festisque deliciis ferveret mensa, conspecti in pariete characteres sunt, ignota pieti manu: *Mane, Teckel, Phares.* Rege totis artibus ad hoc spectaculum concusso: Unus erat Daniel, qui scripturam hanc, ejusque sensum, è cœlo doctus, calleret, quo assuturus propediem Regis interitus designabatur. Et impletum est nocte proxima vaticinium, quâ Cyrus

16 Pars I. De Monarchia Assyriorum.

Cyrus Persarum Rex Babylone potitus, Bal-  
thasarem purpurā, vitáque exuit. Mundi an-  
no ter millesimo quingentesimo decimo sex-  
to, simul Monarchiæ Assyriæ, postquam an-  
nos illa mille sexcentos ac triginta septem  
inconcessa stetisset, terminum fixit.

Quædam de Regno Assyriorum  
annotanda.

I. Cur regnum Assyrium etiam Chaldaicum  
aliquando compellatur?

Quòd Reges Assyrii relicta tandem Nini-  
ve, sedem regiam in Babyloniam, quæ Chal-  
deæ est civitas, transtulerint.

II. Cur in portentosa Nabuchodonosori obje-  
cta statua regnum Assyriæ per caput au-  
reum designabatur?

Quòd, ut aurum metalla, ità regnum Assy-  
riæ regna cætera & potentia, & amplitudine,  
& dignitate superaret.

III. Quem in finem DEus homines impios,  
ac Idolis deditos, quales Assyrii erant, tan-  
tis divitiis, tantaque rerum tempo-  
ralium affluentia locupletavit?

Ut significaret, quām exiguo haberet in  
pretio temporales fortunas, quas manu tam  
larga suis etiam hostibus indulgeret.

IV. Que

Pars I. De Monarchia Assyriorum. 17

IV. Quæ causa, quod regnum amplum adeo  
Idolatriæ contagio totum corriperet,  
perderetque?

Causarum præcipua erat Regum impietas, ut qui præ agnitione Veri Numinis, eisdemque cultu inter sordes libidinum se volutabant.

V. Quo potissimum modo providentissimus  
DEus per hos ipsos Reges populi electi  
bonum promovit?

Quod illis regibus ceu flagris usus, suorum culpas castigaret quidem, eosque ad poenitentiam, legisque observantiam compelleret: suâ tamen his ipsis & potentia succurreret, eorundem hostes proterendo, ubi magna cum fiducia vocatus fuisset in vota.

VI. Quonam DEI consilio est factum, ut  
regnum potentissimum tandem univer-  
sum corrueret?

Ut Regum ac populi scelera plecteret, simul humanæ gloriæ inanitatem demonstraret tantæ Monarchiæ ruinæ.

VII. An in historia imperii Assyrii nihil  
controversum? Et unde?

Sunt omnino non pauca, de quibus hac in historia ambigitur: tum ob nimiam temporum antiquitatem, tum ob scriptorum penitiam, qui hisce tenebris lucem majorem posse sent

18 *Pars II. De Monarchia Persarum.*

sent assundere. Hac de re vix aliud, nisi sa-  
cris è paginis habetur. Chronologia multis  
ex capitibus & ipsa est ambigua.

VIII. *Quid Judei proderant Assyriis, dum  
apud hos in vinculis tenebantur?*

Poterant ab illis Assyrii virtutem, ac veritatem  
Numinis cultum edoceri.

---

**P A R S II.**

**De Monarchia Persarum.**

Adverte, duas in clasēs dividi Persiæ Re-  
ges, harum qualibet eorum quinos contineri.

**C A P U T P R I M U M.**

**De quinque prioribus Persiæ Mo-  
narchis.**

I. *Quis primus omnium imperio Persico  
prefuit?*

Cyrus à providentissimo Numine ad id fa-  
stigii electus; de hoc enim multò antè Isaías  
vates præcīnuit, cum esse delectum à DEO,  
ut hujus æterna, atque admiranda consilia  
velut minister exequeretur. Debuerat Cy-  
rus infans etiamnum, Avo Astyage sic decen-  
nente, violenta nece extingvi, quem tamen  
Providentia altior, haud sine prodigio, fatis  
sub-

subduxit. Ubi Cyro ætas crevit maturior, Medos, Persas, Lydos cum Craeso horum Rege ultimo sibi subjecit. Eversâ dein Assyriorum Monarchiâ, Asis universæ tenuit dominatum. Cùm subactâ Babyloniam, ex Daniele annum nonagesimum tum ætatis agente, coram exhibitis Isaiae oraculis intellexisset, se, quem Deus elegisset Exercituum Duce, domitis Gentibus, Hebreos libertate donaturum, jussit hos continuò vinculis solvi, denique suscitandi Jerosolymis templi copiam fecit. Tandem post annos sex ad imperii habendas exactos, Rex tot clarus trophæis, obscuro sanè fato, sublatus à scœmina clarere desuit & vivere. Bellum ei erat cum Tomyri Massagerarum Regina, nulla necessitate susceptum, cuius initia Cyro auspicata fuere, ut qui primò è conflictu reversus victor, regium quoque Tomyris filium inter cæsorum funera numerabat; verum, ubi alio, justique decertatum est prælio, Tomyri inferior cecidit. Occisi caput revulsum à cervicibus, vasique cruento pleno immersum ipsa Tomyris amaro hoc sarcasmo persecuta fertur: *Bibe Cyre sanguinem, quem satiisti.* Spectavit scenam hanc, & deploravit annus nati orbis ter millesimus, quingentesimus, vigesimus quartus.

II. Quodnam alteri Persico Monarchæ nomen?

Cambyses Cyri filius, homo crudelis ac

20 *Pars II. De Monarchia Persarum.*

barbarus. Ad hæc ebrietatis vitio ut insignis, ita & infamis. Eam perpotandi libidinem cùm Prexaspes amicorum unus modestè corripuissest, Rex monitoris impatiens, arrepto mox telo ejus filiolum iectu tam certo ferit, ut cor medium divideret, doceréque, se & bene potum ( talis tum erat ) impotem sui haud esse. Execrandam jaculantis dexteritatem etiam celebrare laudibus debuit infelix Prexaspes, ac fateri corām, Regem, vel gravei vinō, sibi integrum constare. Non quievit hoc uno in funere Cambysis immunitas, etiam sororis jugulo ferrum immersit. Duodenos præterea, quos à consiliis habuit, quod fortè liberius pro veritate starent, ius-  
fit libertatem hanc luere gladiō. Cæterum, si vel ex virtutis regula videretur agere, lo-  
cum crudelitas habuit; id, quod tuim patuit,  
quando Judicum nonnemini, æquitatis male  
administratæ reo, voluit etiamnum spiranti  
pellem abstrahi, eaque sellam vestiri, filium  
verò hujus eo ipso in loco Parenti jus dice-  
re, memorēmque sui eum officii reddere.  
Sed & Ægyptum, quam sibi armis subjicit,  
crudelitatis quoque suæ documentis imple-  
vit. Ibi cùm intellexisset, coortum in Per-  
sia seditionis quidpiam, malo medicinam la-  
turus, confessim in equum se conjicit, ex hoc  
cùm descenderet, in mucronem, qui per a-  
gitationem vaginâ exciderat, illiditur, quo  
post.

Pars II. De Monarchia Persarum. 21

posthac ex vulnere ei mors & interitus fluxit.  
Anno Mundi ter millesimo, quingentesimo,  
trigesimo septimo.

III. Quam suos gubernandi methodum te-  
nuit Monarcha tertius Persie?

Darius Hyrcanus hic erat, quem non re-  
gius sanguis (nobiles duntaxat natales is ha-  
buit) sed sortis jaetus regio diadematè in-  
signivit. Perierat in Cambyses stemma regi-  
um: quare Primates Persie in eam tandem  
convenere sententiam, ut Regis insignia de-  
ferrentur ei, cujus sonipes, die (quam cer-  
tam signaverant) solem exorientem, qui ipsis  
pro DEO est, solitis hinnitibus salutari*t* primus.  
Salutavit solem primus sonipes Darii,  
& hinc continuò Rex Persie salutatur. Tri-  
ginta quinque annorum cursu, quo imperi-  
um Darius moderatus fuerat, plurimum hu-  
jus arma Scythæ, Babylonii, ac præ his Græ-  
ci exercuerunt. Qui ex Babylonis turbas  
excitârunt in Regem, venere rursus sub ju-  
gum arte Zopyri Persie, Ducis bellici circum-  
venti. Præciderat ille sibi cum naribus auriculas,  
itaque mutilatus ad Babylonios transi-  
tum fecit, eam sibi injuriam à Rege illatam,  
multa, at simulata acerbitate conquestus, su-  
as incolis partes obtulit adversus Darium.  
Asséveranti fides est habita, cùmque eruptio-  
ne facta, Persas (ex composito) haud sine eo-  
rum damno aliquo repulisset, junctis senten-

tiis se, suosque Zopyri ductui permittunt, qua opportunitate hic usus, pertinacem suo Domino Babyloniam restituit, ac imperata, quæ ante detrectaverat, facere cœgit. Scythas ut sub jugum compelleret, septies centena suorum millia eduxit, at successu nullo; illi enim vel in montes, vel spelæa dilapsi, quo penetrare tantus exercitus haud poterat, etiam Regi illudere ausi, piscem, murem ac sagittas misere, significaturi, Persas telis casuros, nî vei cum piscibus in aquis, vel cum muribus in montium cavernis fese tuerentur. Sed & Græci plurimum negotii facefiverant Regi; ut ut enim à Persis navalí prælio superati cederent, in campis tamen Marathonicis bello superiores ipsi evasere. Militum Græcorum unus quispiam ( Cynegrus ei nomen ) singulare sub ea tempora fortis animi spectaculum dedit, cum fugientem navim Persicam natando assècutus, primò quidem dexterâ, tum sinistrâ truncatus manu, dentibus tandem prehensam retrahere è fuga laboraret, dum capite minutum non animus quidem, sed vita destitueret. Decessurus è vita, quam multam in ætatem proxemerat, Darius Xerxem filium regni hæredem dixit, Anno mundi ter millesimo, quingentesimo, sexagesimo nono.

*IV. Quis erat status Persia Xerxe regnante?*

Sceptro admotus Persico Xerxes, nihil habuit

buit prius, quam illatam ad campos Marathonicos Parenti cladem armata manu ulcis-  
ci. Movet ergo in Græcos cum exercitu, qui  
trigesies, ( ut volunt nonnulli ) centena mil-  
lia suo numero omnino conficeret. Eam  
copiarum immensitatem, cum in itinere è  
loco quopiam editiore spectaret, lacrymatus  
ingemuit, animo reputans secum, evoluto  
paucorum annorum curriculo, nè unum tau-  
to ex numero superstitem futurum. Hel-  
lespontum virgis, injectisque compedibus  
ferreis castigavit, quod pontem, per quem  
transeundum militi Persico fuerat, aquarum  
violentia disjecerit: qui verò infortunato o-  
peri manus adhibuere opifices, laboris mer-  
cedem resectis cervicibus gladium tulere.  
Ipse porro mari insultaturus septingentis na-  
vigiis, velut ponte gemino, aquis injecto, co-  
pias jussit suas transire. Verum Marte parum  
secundo cum Græcis conflixit; hi enim nu-  
mero inferiores, suppares autem virtute, imo  
maiores, unius spatio anni inconditum Re-  
gis exercitum, ter omnino acie superatum,  
universa è Græcia cedere compulere. Jusse-  
rat quidem Rex Mardonium copiarum sua-  
rum supremum Ducem subsistere, bellique  
aleam tentare; cecidit tamen hæc zquè in-  
feliciter Duci, ac nuper cessérat Regi. Ille e-  
nīm ad insulam Plateam non castris duntaxat,  
sed & vitâ exutus est, relictis ex universo ex-

24 *Pars II. De Monarchia Persarum.*

ercitu paucis admodum, qui ad suos redirent, cladis acceptæ testes. Subsidiarias Xerxis copias non magis numero, quam virtute adauxerat Artemisia Cariæ Regina celebratissimi nominis. Stetit hæc foemina, pugnacitque, Persis etiam viris animo major. Xerxes finito bello suas ob libidines tam invisus suis evaserat, ut ei Artabanus, qui custodij corporis præterat, regio in conclavi manus violentas inferret, dum ille ab imperio adito annum numeraret vigesimum; Mundus à suo ortu ter millesimum quingentesimum octogesimum nonum.

*V. Quid de Artaxerxis quinti Monarchæ regimine notandum venit?*

Artaxerxi nomen Longimani accrevit à longiore dextera, quod ille naturæ vitium in materiam virtutis laudisque convertit, dum erga suos insigniter munificus omnium sibi animos egregiè devinxit. Arma, quæ vel cum Ægyptiis, vel Græcis conseruit, ei sœpè stragem tulere. Themistoclem Ducem, inter Græcos armis clarissimum, quem suorum invidia Athenis ejecerat, Artaxerxes, dum ad ipsum se exul reciperet, latus accepit: & quanquam hunc alias sibi satis acrem bello persenserat, tamen vel in hoste virtutem reveritus, regiis quoque favoribus est prosecutus. Huic ipsi copias, quas bello proximo Athenis admoturus erat, ducendas obtu-

obtulit, quam tamen ille provinciam horribat admittere, certus, nec in ingratam quidem patriam pugnare: sed & Regi in se tam munifico morem non gerere æquè arduum duxit; Scyllam ergo hanc, unā & charybdym declinaturus, hausto veneno, vitæ maluit jaçeturam adire, quam vel apud suos impii, vel apud Regem ingrati notam incurrere. Artaxerxes hic Sacris à Scripturis, ubi de Esthere referunt (quæ nonnullorum est mens) etiam Assveri vocabulo nuncupatur. Postquam sceptrum Persiæ & diu & feliciter tenuisset, moriendi tandem legi & ipse paruit, cum annus volveretur post orbem conditum ter millesimus sexcentesimus vigesimus nonus.

## CAPUT SECUNDUM.

### De quinque posterioribus Persiæ Monarchis.

#### I. Quid de Dario Notbo memorandum?

Quod, dum Rex esset hic præcesset imperio, templum Hebræorum ultimam tandem manum acceperit, fueritque ab iisdem ritu solemní vero Numini inauguratum. Risum meretur insanus amor, quo concubinarum aliquam etiam post fata deperibat. Hanc ut rursum vivis redderet, nihil intentatum reliquit. Sapiens Democritus, miseri misertus

pollicetur demortuam vitæ restituere, ea tamen lege, ut ex omni mortalium numero trium duntaxat nomina sibi recitarentur, qui nullo unquam animi tædio per omnem vitam fuissent pulsati. Horum vocabula defunctæ tumulo se inscripturum, effecturumque continuò, ut ad superstites ea redeat. Advertit Darius, quid eo dicto Democritus vellet, & à votis inanibus porrò abstinuit. Vivere verò & ipse desit, cùm annus mundi censemetur quadragesimus nonus supra ter mille-simum sexcentesimum.

## *II. Quid de Artaxerxe, cui & Mnemon nomen, quod notandum, occurrit?*

Septimus hic Monarcha Persicæ à felicitate memorizæ Mnemonis ( quæ vox memoriam præstantem sonat ) donatus est. Huic cum Cyro, fratre minore natu, parùm bene concenerat, eo potissimum ex nomine, quod Parisates Mater, & Græci novis identidem stimulis in fratrem Cyrus concitarent. Verum à fratre tandem prælio superatus, hujus & manu cæsus occubuit. Cæterum erat Artaxerxi humanum admodum, ac liberale in omnes ingenium, cuius experimentum unus de pastorum grege tum cepit, ubi iste Regem ex more gentis munere oblato veneraturus, cùm in paupertina supellectili, nîl, quod asserret, occurreret, exceptam volâ manus dulciorem lympham, quam proximo ex amne

hau-

häuserat, supplex porrexit. Mox enim voluntati tam promptæ Rex pretiosam pateram auro plenam reddidit. Egregiis dotibus junxit & scelera, nexus minimè regio, cùm ita serviret foedæ libidini, ut non Regem se modò, sed & hominem quoque oblitus videtur. Filii, quorum supra centenos quindecim numerabat, ut in quos cum sanguine paterna quoque vitia fluxerant, curis longè molestissimis Parentem vexabant, quarum & mole oppressius respirare simul ac spirare defuit. Anno administrati imperii quadragesimo; mundi ter millesimo sexcentesimo octogesimo noho.

III. Quid de Artaxerxe Ocho, octavo Monarcha, bistoriae memorant?

Fuit hic malæ stirpis haud melior surculus, re propemodum nulla, nisi tyrannide insignis, ut qui imperium ab octoginta tum fratum, tum amicorum cæde auspicari non horruit, quò scilicet firmior ei thronus consisteret, tot prostratorum funeribus obvallatus. Ex ortu tam cruento ruituras porrò consimiles pluvias ominati subditi seditionem spectabant, quam tamen nè palam erumperet, in tempore oppressit. Ägyptios, qui ipsos quinquaginta jam annos à Persis defecerant, denuò misit sub jugum. Eorum in regionibus dum commoratur, Bovem (qui in Numinis vicem illis erat) jussit mactari, splendido-

28 *Pars II. De Monarchia Persarum.*

didoque, quod apparaverat, convivio ferculum inferri. Maestato bovi voluit in aris substitui asinum, divinisque honoribus ab Aegyptiis coli. Ubi annos viginti ac sex regendo implisset, Bagoas, Regi familiaris inter paucos, omniumque ejus arcanorum conscientius, veneno hunc ipsum extinxit, extincti cadaver famelicis catis pabulum fecit. Quod supererat ossium, in gladiorum vertit manubria, quo significaret, Ochum ne post fata quidem grasiari in mortalium viscera desissem. Nimirum Bagoas hic, cum esset Aegyptius gente, eo ultioris genere, illatam Bovi-deo injuriam vindicandam existimavit. Gesta haec sunt anno mundi ter millesimo septingentesimo decimo quarto.

*IV. Quodnam nono Persiae Monarchae nomen?*

Nomen huic Arseti. Filius Ochi erat. Annos haud amplius quatuor dominatus Persiae, a crudeli Bagoa & ipse pariter est veneno enectus, quod statueret in Parentis occisi interfectorum suppliciis advertere.

*V. Quisnam decimus atque ultimus Monarcha Persiae?*

Darius Codomannus. Hic Bagoæ artibus thronum conscenderat; at mox ab eadem manu, porrecto scilicet veneno, inde deturbandus. Rex parata sibi fata edoctus, ipsummet parricidam toxicum, quod miscuerat, coegerit

cōēgit haurire. Est Darius hic à victoriis Alexandri Macedonis orbi notus, ut cui intrā brevissimum temporis spatiū universum Persiæ regnum compulsus est cedere. Despexerat Darius antē juvenem admodum Alexandri ætatem, miseratque huic dono virginam, pilam, unā & informem auri massam, quo munere Alexandrum virgis aptiorem, quam palmis, simul & auri egentem, et si haud deessent alia, significabat. Verum ludere defuit, dum à Rege Juvēne multò aliter sentire doctus, tribus omnino justisque in præliis unā victoriam, unā exercitū propè innumerum amisit. Vix cladem ultimam Darius accepérat, cum & ipse suorum funeribus funus accessit, anno quidem ab orbe condito ter millesimo septingentesimo vigesimo quarto, ab anno autem, ex quo Monarchæ moderati sunt Persiam, ducentesimo octavo.

### *Observationes de Monarchia Persica.*

*I. Cur in Nabuchodonosoris statua Regnum Persiæ argento designabatur?*

Quod imperium illud potentia & opibus affueret quidem, minus tamen, ut Assyrium, illis abundaret.

*II. Quibus potissimum rationibus inducti Monarchæ Persici bella gestere?*

Habendi, dominandi, imperiique amplificandi libido illis pro ratione erat,

30 Pars II. De Monarchia Persarum.

III. Unde factum, ut, cum Persæ fuerint numero plurimi, essent tamen ut plurimum suis hostibus, Gracis presertim, inferiores?

Quod exercitus Persici plus ostentatione bellica, quam arte bellandi solida constarent.

IV. Quibus ex causis trium Persæ Regum, ut Smerdis, Xerxis Secundi, item Sogdiani nulla hic memoria?

Smerdis, quod mala arte in thronum se penetrârit, locum inter Reges meretur neutquam. Xerxes II. ac Sogdianus, quod brevissimo temporis intervallo regios fasces tenuerint, ne ab aliis quidem scriptoribus in historias transferuntur. Igitur nec à nobis, ut qui ante alios brevitati studemus. Smerdis Cambysi: Xerxes & Sogdianus sibi mox successere, nullo alio, qui præcederet, medio, Artaxerxem Longimanum proxime insecuri.

V. Quid ex Monarchia Persica electo DEI populo emolumenti fuit?

Ut tempus suppeteret, quo tum amissas bellis superioribus vires, tum & Religionis templique sublatos honores instauraret.

VI. Quanam Persæ conditio erat antè, quam ei Monarchie titulus accederet?

Erat antè pars regni Assyrii, post Sardanapali autem tempora inde avulsa Medis primò, tum Cyro cessit.

PARS III.

## PARS III.

### De Monarchia Græcorum.

Rei summan tribus partibus complectimur. Primâ docemus, quis status fuerit Græciæ antè, quām Monarcham haberet. Alterâ, quæ memoranda eidem evenerint, cùm Alexander Magnus ei dominaretur. Tertiâ denique, quænam post hujus fata Græci fuerit imperii conditio.

#### De Statu Græciæ ante erectam Monarchiam.

#### CAPUT PRIMUM.

#### Quænam tempora antiquæ Græciæ exstiterint.

##### I. Quo ævo primū habitari cœpit Græcia?

1. Sub annum orbis conditi à millesimo octingentesimo nonagesimum Ægialæus Regnum Sycionicum. 2. Inachus Argivorum, Patriarcha Isaaco etiamnum superstite, anno bis millesimo, centesimo, ac nonagesimo nono, Regnum erexit. 3. Athenis fundamenta jaœta sunt, cùm Moyses sui famâ, ac virtutibus orbem impleret, mundi anno bis millesimo quadragesimo sexto, qua ætate & Cecrops Regum Atheniensium pri-

primus celebratissimum Areopagi tribunal instituisse fertur. 4. Lacedæmonii anno mundi bis millesimo quingentesimo septuagesimo. 5. Thebani, mundi anno bis millesimo sexentesimo vigesimo. 6. Corinthii, bis millesimo sexentesimo quadragesimo quinto. 7. Mycæni, bis millesimo septingentesimo quinquagesimo septimo. 8. Lydii, anno bis millesimo octingentesimo trigesimo quinto. 9. Macedones, ter millesimo ducentesimo quadragesimo primos Reges accipere.

II. Quo maximè tempore fabula apud Graecos invaluerunt?

Ad annos ferè quingentos. Ad annum usque bis millesimum octingentesimum nonagesimum quintum, intra quos vera fabulosis, gesta patriæ figmentis miscebant, seu captaturi famam, seu ingenium ad fabulas primum exercitaturi.

III. Quinam illi, quorum ante alios Mythologi meminere?

1. Cadmus, quem primum Regem habuerunt Thebæ. Hic artem formandi characteres primò apud Phœnices natam, regno intulit suo.

2. Argonautæ, ductore Jasone, Colchidem Insulam petebant, indè seu vellus aureum, seu præ hoc thesaurum, pretiosissimum rela-

relaturi, quo tandem post exantata plura pericula sunt potiti.

3. Hercules Thebanus patriâ complura gerit prodigiis affinia. In cunis etiamnum geminos jugulat serpentes. Vir exitialem aprum Erimanthæum conficit: Nemeæo in nemore sternit Leonem, cuius exuviae dein huic erant pro chlamyde. Hortis in Hesperiis Draconem, Diomedem apud Thraces devicit, quem subin & hujus equis pabulum fecit. In terris Lybiæ lucta ei erat cum Gigante Antæo, cui è quovis lapsu novæ vires succreverant, dum hunc tandem Hercules sublimè elatum suffocaret. Lernæo in lacu Hydram prostravit, cui septem capita, quibus præcisis singulis mox alia totidem repululebant. Et hæc erant facta, quibus miscere & ficta Græci vates amabant. Ubi diu saevis fuisse Hercules spectaculum, factus tandem est hic ipse ludibrium, quando Omphales Reginæ Libyæ captus amoribus, eò usque insaniit, ut huic uni placitus, qui viri mentem multò antè exuerat, jam sub foemineo habitu fila duceret, ultimæque ancillæ vices unus prensaret. Deianira conjux virum adversata, qui foemina esset, vestem ei submisit veneno imbutam, hanc simul induit mari-  
tus, simul in extremos furores exarcit, quos ut extingveret, Oetæo in monte lese flamnis confecit.

34 Pars III. De Monarchia Graecorum.

4. Agamemnon, Ulysses, Achilles, cum his & alii heroum de gente Graeci, postquam civitatem Trojanam obsidione decennali frustrâ tentâsset, quod Marte non poterant, arte effecerunt. Ligneam equi machinam, milite armato gravem, sub ea tempora, quibus arma utrinque quieverant, per aperta moenia in urbem immittunt, capta subin opportunitate, ferro cuncta, flammâque pessundant, vacuâmq[ue] suis incolis aream sale inspergunt. Anno mundi bis millesimo octingentesimo septuagesimo.

5. Qui præcipuum in fabulis locum tenuere, erant: Prometheus, Atlas, Phæthon, Deucalion, Orpheus, Mydas, Ganymedes, Tantalus, Perseus, Bellerophon, Theseus, Daedalus, Icarus, Oedipus, Atreus, Thyestes.

CAPUT SECUNDUM.

De tempore intermedio, quo necdum Monarchiis accessit Graecia.

1. *An aliquas, & quasnam mutationes subiere regna Graecia?*

Subiere mutationes has, ut: cum Regnum illorum pleraque in Rerum publicarum formam transiere, quæ inter præcipuæ Sparta, & Athenæ, quæ cum diu de primatu contenderent, tandem Sparta prævaluit.

II. *Quid*

*Pars III. De Monarchia Graecorum.* 35

*II. Quid de Codro ultimo Althenarum Rege peribent Scriptores?*

Premebantur Athenæ obsidione arctissima, cùm Oraculum docet, fore omnino, ut solvatur duro eo vinculo civitas, quamprimum Rex ipse hostia cecidisset. Quo comperto Codrus, urgente animum amore in suos, posito cultu regio, mendicum indutus, furorique hostium ultro obvius, horum sub gladiis occubuit. Nec multum abiit temporis, quando soluta obsidione hostis discessit. Anno mundi bis millesimo, nongentesimo, octogesimo tertio.

*III. Quibus cum hostibus erant bella Graecorum Rebus publicis?*

Aliquibus earum cum Persis: tandem obortis etiam domi turbis, ipsæ cum semet-ipsis committebantur maximo suarummet viuum dispendio.

*IV. Quinam erant Ludi Olympii?*

Instaurabantur hi evoluto quatuor annorum curriculo sub æstatis tempora, ad urbem Olympiam, quò & juventutis Graecæ flos confluxit; seu currendi velocitate, seu librandi in æra corporis agilitate, sive globi jactandi promptitudine, sive luctandi dexteritate, sive clavam torquendi peritiâ, sui quivis periculum facturus. Victori ea in arena publici honores habiti, quin & triumphantis more in urbem deducebatur. Cùm

36 Pars III. De Monarchia Graecorum.

annus iret ter millesimus ducentesimus sepi-  
tuagesimus octavus, ex ludis, quos diximus,  
quatuor annorum spatium Olympiades no-  
minavere.

V. Quid occurrit præterea memoratu dignum  
de ætate media, que antiquam Gra-  
ciam à Monarchia distinguebat?

Insignes viri, vel annis vel scientiâ inclyti,  
quorum sub ea tempora complures tum Athenæ, tum Sparta numerabat. Et Athenæ  
quidem Herōes bellis pro Patria gestis claros,  
Themistoclem, Miltiadem, Cimonem, Ari-  
stidem, Pisistratum, Agesilaum: Sparta Leo-  
nidem, Pausaniam, Lysandrum, itidem bello  
magnos. Rursus Athenæ Draconem, Solo-  
nemque: Lycurgum Sparta ob leges in Pa-  
triæ bonum prudentissimè latas egregiè de-  
fese meritos commendabat. Porrò iis tem-  
poribus Thales, Pittacus, Bias, Cleobulus,  
Periander, Chilo, Solon sapientiæ laude ante  
alios celebres claruere. Tandem ætati illi  
splendoris haud modicum addidere Home-  
rus, Herodotus, Æsopus, quorum primus  
Poëtarum, alter Scriptorum historiæ, tertius  
illorum, qui condidere fabulas, principes  
exstiterunt.



CAPUT

## CAPUT TERTIUM.

De postremis Græciæ annis ante  
erectam Monarchiam.

I. Quid advertendum de annis, quos ex an-  
tiqua Grecia ultimos Monarchia tan-  
dem status excepit?

Macedonia pars Græciæ perquam exigua, ut cuius propè nomen ignorabatur, cœpit suis tandem è tenebris emergere: imperabat eum Macedonibus Rex Philippus, Alexandri Magni Pater; hic ubi comperit, civitates Græcas turbis domesticis & distentas & fræctas, sorte hac mala in rem suam opportune usus est cum successu; brevi siquidem, facilique negotio armatus effecit, ut suo, victoris, arbitrio sese victi permitterent, quin & Republicæ Græciæ ipsum supremum belli præsidem junctis vocibus salutarent. Dum Philippo plenis radiis bona fors affulget; enea ipsa luce, qua Cleopatra ejusdem Filia Hymenæum celebrat, parricidali ferro confosus occumbit.

II. Quinam scientiâ clari iis temporibus  
Græciam illustrarunt?

Plato, Aristoteles, Socrates, Diogenes, Heraclitus, Democritus Philosophiæ: Archimedes cum Euclide Mathematicæ: Pindarus & Sappho Pœseos artibus insignes.

38 Pars III. De Monarchia Græcorum.

Apellem, Parrhasium, Zeuxidem penicilli peritia: Phidiam, Policleatum scalpri præstantia commendavit.

De rebus memoriâ dignioribus Græciæ, quando Monarchicum imperium institui cœptum.

Tria hic notanda. 1. Acta ab Alexandro, ut Juvene. 2. Gestæ ab eodem ut Rege. 3. Facta ejusdem, ex quo Monarcha Græciæ evasit.

CAPUT PRIMUM.

Qualis Alexander exsisterit Juvenis antè, quam Regni habenas caperet.

Quibus ex rebus Magnus Alexandri animus sese prodere tum caput?

1. Alexander sub annum mundi ter millesimum sexcentesimum nonagesimum octavum mundo natus, pueriles subin annos cum necdum egressus esset, ubi forte inaudiit Parentis Philippi victorias laudibus celebrari, solutus in lacrymas ita ingemuit: An igitur Genitor nihil, quod superaret, filio reliquum fecit?

2. Cum ei puero Aristoteles præceptor obtingeret, cuius ductu quinque annorum spatio, juncta constanti opera, liberalibus in disciplinis multum sanè profecerat, dicere est

Pars III. De Monarchia Grecorum. 39

est auditus, se ut dignitate, sic & doctrinæ prærogativâ neminem sibi supparem velle. Detulit magistro huic suo primos semper honores, ut cui plus, quam Parentibus obnoxium se palam fatebatur, cum hi quidem, ut viveret; ille, ut viveret bene, tam largiter dedisset.

3. Aderat fortè Alexander solemnî sacrificio, & plena manu thura inferebat aris. Adverterat ea liberalitas Leonidem, supremum Aulæ Præfectum, qui proin ad Juvenem regium conversus, hæc in silentio soli: tum enim verò ita posset thura prodigere, ubi eorum regionum Dominus esset futurus, in quibus odoramenta hæc crescerent. Altius juvenili animo Leonidæ monitio insederat, quod tum patuit, quando occupatâ Arabiâ navium thure refertum Leonidæ misit, adjectique, aliter modò sentiret, nec iam parca, sed largiori manu Deorum aris thura incenderet.

4. Venalem adduxerant Philippo Alexandri Parenti regio equum, nomen ei Bucephalus, formâ rarâ in paucis. Noluit in hunc Philippus pretium expendere, quod animal esse resciverat nescium domari. Alia stetit mens Alexandro, placuit Bucephalus, quin, hic ut ferociam poneret, se effecturum, coram recepit. Risu hæc exceptit Philippus Paren: at filius continuò indomitum soni-

40 Pars III. De Monarchia Grecorum.

pedem aggreditur, cùmque deprehendisset, equum vel ad proprii umbram corporis restitare, eum Soli obvertit, mox generoso saltu insiliens, ea sibi dexteritate subiecit, ut hanc primò admiratus Genitor, tum & in amplexus rueret filii, cum dicto: Age fili, aliud tibi regnum pete, quām sit Macedonia; nam hæc tuæ indolis excelsitatem non capit. Porro Bucephalus insignibus regiis, phalerisque instructus, non nisi Alexandrum sessorem admisit, huic uni se ut tractabilem ( cæteris sternacem ) sic & fidum exhibuit, eo præser-  
tim in prælio, quod Alejandro cum Poro Rege Indiæ fuerat; ut enim Bucephalus plagiis esset perfoissus, noluit tamen citius dolori succumbere, quām regium Equitem præ-  
senti periculo, mediisque ex acie in tutiora deportasset.

CAPUT SECUNDUM.

De Alexandri gestis domi, forisque.

I. Qualis fuit Alexander in Gracia, antè,  
quām ei bella essent cum Persis?

Annum egerat Alexander ætatis vicefim-  
num, cùm Regni gubernaculis admotus mox  
sui terrore Nomini Græcos perculit, ut hi  
junctis continuò votis, ituri in Persas, Ale-  
xandrum ( ut nuper Philippum ) copiarum  
suarum supremum moderatorem deligerent.  
Mul-

Multum diversa mens Thebanis erat, & Regi aliena; quæ tamen his caro admodum stetit; dum eorundem hic victor Thebas flammas absulpsit, triginta devictorum millibus in servitutem, aliosque ad Domines pro pretio abstractis. Hortator quidem Alexandro Aristoteles fuit, Juvenis etiamnum, annos exspectaret, & cum his corporis vires bello pares: cui tamen Rex illud reposuit, tempore utendum, cujus opportunitas ex arbitrio nostro haud staret. Copias ergo suas in Asiam mox transfert, certus universam suæ subjecere potestati.

II. Qualem durante cum Persis bello se Alexander exhibuit?

Alium omnino, quam eum sibi finixerat Darius, tñt qui temeritati juvenili dedit, quod Alexander quadraginta suorum milia cum innumerabili Persarum exercitu committere non dubitaret.

i. Ad Granicum Bythiniae amnem placuit Macedonum Regi cum Persis primum congrederi; at licet hostis sexcenta omnino numeraret millia: virtus prævaluit numero, Persis ingenti suorum strage profligatis. Magnò tamen periculò veniit ea palma Alexander; dum is cum Darii genero arma cesseret, tandem hunc & conficeret, parum ab exitio absfuit, quando in Resacen Persam nihil cogitans, incidit, nî Clytus militiæ Præfectus

42 Pars III. De Monarchia Graecorum.

fectus caput regium iectui subdugisset in tempore.

2. Altero mox anno, altera, primaque luctuosior strages ad Issum Ciliciæ civitatem Darium exceptit; nam prælio superatus, & undecies centena militum millia, & pretiosissima quæque, & cum Matre uxorem, cum hac & Liberos cedere debuit victori. Cujus arbitrio, post insignem hanc victoriam, civitatum plurimæ ac regiones sese ultro permisere, & in his Sydonia, eventu Abdalonymi ab horto ad thronum translati, inclyta.

3. Tyrus erat, quæ una triumphis Macedonum vel metam omnino, vel certè moram factura videbatur. Verum & haec, postquam septem mensium obsidionem quæ elusisset, quæ tolerasset, Alexandri ferro, flammisque succubuit, & his enim & illo in devictos est itum à victore exercitu, post lauros jam & prædas ad arbitrium legente. A prodigo vix abeſt, quod Alexander maris partem septingentos amplam passus, cuius aquarum vi civitas, quæ terras respicit, defendebatur, incredibili suorum labore continentis æquarit; jactoque aggere armatum militem urbi admoverit.

4. Et Hebreos quoque sibi subjicere constituebat animo Rex, ut qui hos in commen-  
tu subministrando parum in sua vota pronos  
antè fuerat expertus. At Jerosolymas ubi  
dela-

delatus est, rerum multò alia facies erat; simul enim ad urbis mænia Sacerdotum sumum Jaddum, unā & reliquam sacrorum Ministrorum cohortem sibi obviām spectavit, simul animo ( altiori scilicet dextera ) ita est immutatus, ut Summo Antiftiti magnos honores deferret, sacrificio quoque eadem in Æde oblato, denique populum, quem armis opprimere statuit, in amicitiæ fædus ultro admitteret.

5. Inter hæc Darius pacis consilia animo versabat, certus & filiarum suarum unam regis nuptiis: Dotis vice imperii dimidium Regi Macedonum consignare. At rejicit hic Darii propositum, assérens, nec duos cœlum Soles, nec duos Regnum Asiarum Reges sustinere.

6. Igitur novo, eoque tertio prælio ad Arbelam vicum Assyriæ est decertatum. Decies centena suorum millia habuerat sub signis Persa. Verum hic tantus exercitus ingenti & ipse clade prosternitur. Rex Darius in fugam conjicitur, subin à Præfecto perfido ( cui Besso nomen ) lethali vulnere petitus, regno simul ac vitâ exuitur. Indoluit miserandæ sorti Rex victor, jussitque corpus demortui suis restitui more regio procurandum, Paricida Besso meritis suppliciis sublatu. Ipse postmodum universæ Asiarum moderatus,

## CAPUT TERTIUM.

### De Alexandri factis post subactam Persiae Monarchiam.

#### I. Qualis Monarcha erat Alexander?

Alexander cum veste & mentem mutavit, eum habitu Persico hominem libidini & barbaræ crudelitati deditum indutus, maximo partæ hactenus gloriæ detimento. Documento sunt, quæ sequuntur. Ac

1. Quidem potuit unica levicula mulier obtinere ab ebrio, regiam ut urbem Persepolim in flamas ac cineres daret. Cujus rei die postero magna Regem poenitentia subiit.

2. Clytus eorum unus, quibus Rex dudum intimè affeverat, cui & vitam primo in prælio servatam idem debuerat, morte luit, quod nimium Regis fastum castigasset, ab eodem ebrio ac furioso in cœna confosus.

3. Callisthenem sapientiæ eximum, crudeli sane suppicio naribus auriculisque mutilatum, ferreæ inclusum caveæ, ludibrio futurum per compita jussit circumduci, quod divinos honores, quibus se Rex coli voluit, coram ausus esset improbare.

#### II. Quem tandem exitum sortita est Alexandri vita?

Quæ Hephaestionem Ecbatanis, eadem Alexandrum Babylone perdidit perpotandi libido.

libido. Solemne Regi erat, convivia celebrare sumptu maximo, horum uni cùm adsuisset, placuit jam non ferro, sed poculo certare, ac super mensam debellare combi-  
bonem, non nisi perpotandi arte celebratum. Post assultus tentatos utrinque, Rex tandem succubuit; mox enim ingentes stomacho dolores, his febrilis ardor succedere, quem, cùm vino compesceret affuso, & phrenes is accessit, cuius furor eundem consumpsit, cùm annum vitæ ageret trigesimum tertium. Quanquam non desint, qui haustum venenum existiment. Ità ante annos occupuit, ad cuius arma paulò antè orbis intremuit. Anno mundi ter millesimo septingentesimo trigesimo.

Quæ erat conditio Monarchiæ Græcæ ab Alexandri obitu, dum ea desineret?

Alexander unus unicus erat, penes quem (sexennio duntaxat) Græca Monarchia nullas divisa in partes integra perststit. Nec dum anni duodecim effluxerant, & universum hujus germen exaruit, Monarchiæ verò diversa in Regna, ut Macedonicum, Asiaticum, Syricum, Ægyptiūque distractā. Regum insignia sibi vindicaverant hi ipsi, quibus sub Alexandro prima in castris officia, & ab hujus excessu Provinciarum diversarum præfecturæ obtigerant.

46 Pars III. De Monarchia Græcorum.

I. *Quis status erat Regno Macedonum, dum omnino cessaret?*

Annos ferè quinquaginta septem supra centenos ab Alexandri obitu Regnum Macedoniæ sub Regibus septendecim stetit integrum. Horum è numero primus Antipater. Philippus postremo proximus, juncto cum Carthaginensibus fœdere, Romanis adversabatur, eamque ob rem ab his graviter quidem acceptus, at non solio dejectus. Perseus Regum ultimus & hic quoque cum Carthagine Romanis adverso fœdere coaluit; hinc ab illis vinctus Romanam deducitur, exactoque in ea calamitate biennio cessit naturæ, Regno Macedoniæ Romanis posthac Provinciis annumerato. Anno mundi ter millesimo, octingentesimo, octogesimo septimo.

II. *Quenam Asie, quam minorem dicimus, fuit conditio?*

Hæc Antigono cessit; at post annorum triginta sex intervallum Syriæ adjecta, nè huic quidem adhæsit perpetuò. Tandem divisa in minora quatuor Regna abiit, Ponticum nempe, Pergamenum, Armenum, Parthicum, quorum singula, postremum si excepéris, ante natum Servatorem Romanæ potestatis fuere; & Ponticum quidem, dum Mithridates, ejus regni ultimus, Pergamenum, dum Attalus, Armenum, cùm Tygra-

nes

*Pars III. De Monarchia Græcorum. 47*

nes ordine postremus imperaret, Parthico denique non nisi Servatore nato à Romanis occupato.

*III. Quisnam Syriæ status fuit?*

Intrà ducentorum quadraginta novem annorum limites Reges numeravit Syria viginti duos. Primo horum Seleuco nomen, Antiochus Epiphanes ille erat, qui, Hebrei Nomini cùm esset hostis acerrimus, Machabæos Pugiles in lege patria obsfirmatos, ultimis affecit suppliciis: Tygranem Regem Syriae ultimum Romani sede expulerunt, Syriæ Romanis deinceps Provinciis adscripta, relicto Tygrani, dum ei vita supereffret, alterò, quod habebat, Armeniæ Regnō.

*IV. Quid rerum in Ægypto gerebatur  
post Alexandri fata?*

Erant Ægyptiis sub Moysis ætatem proprii Reges, Pharaones compellati, Persis dein, tandem & Græcis adjecti. Denique ab Alexandri obitu, postquam trecentorum fere annorum spatio Reges tredecim sibi successerant, armorum jure Romanos dominos habuere. Fuit Ægypti Regnum ultimum omnino, quod Monarchiæ Græcæ subjacebat. Primus Græcorum ei Regno Ptolemæus Lagides præterat, à quo & qui successerant, Reges, Ptolemæi sunt nominati. Ptolemæus Philadelphus, literarum cultor versus Regius, septies centena librorum millia

com-

48 Pars III. De Monarchia Græcorum.

comparavit: hic jussit divinos codices septuaginta duorum interpretum operâ in Græcum idioma converti. Sapientes hi, et si in diversa conclavia, quibus includebantur, divisâ essent, ad ultimum tamen literarum apicem prodigioso eventu convenerunt. Regina Cleopatra, Romani Antonii infamis amoribus, ab Octavio capta, Româaque translata fuit, ducenda propediem in triumphum, quod genus opprobrii hausto veneno, vel, ut aliis placet, admotâ pectori viperâ, prævertit, post cujus fata Ægyptus obvenit Romanis. Atque itâ Monarchicum Græcorum imperium, postquam trecentos annos steterat, collapsum est, mundi anno quater millesimo vigesimo quarto.

Observanda circa Græcam Monarchiam.

I. Cur Monarchiam hanc portentosa statura ere signabat?

Ut metallum, sic & Regnum Græciæ commendabat soliditas. Certè hujus conditor fortissimo milite, veluti ariete æneo universam Asiam sibi subditam fecit. Æs omni caret splendore; nuluit proin Alexander rerum gestarum gloriâ, quam evanidis auri & argenti fulgoribus orbi inclarescere.

II. Cur Græcia viris Sapientiâ bellisque inclytis itâ excelluit?

Fructus hi erant legum, quas prudentissimas & habuit, & coluit.

3. Cui,

Pars III. De Monarchia Græcorum. 49

III. Cur Alexander copiis multò inferior Da-  
rium longè superiorē toties superavit?

Quod Macedones teneris ex annis rebus  
duris ac bellicis; Persæ mollibus duntaxat,  
asivescerent.

IV. Quem in finem Ludi Olympici à Gra-  
cis frequentabantur?

Ut Juventus Græca prima ab ætate bellicis  
exercitationibus apta redderetur.

V. Quanam potissimum ratione persuasus  
Alexander ad subjiciendam sibi Persiam  
animum adjecit?

Ingenti prorsus ac satiari nescia Gloriæ  
cupiditate, quā ad summa quæque audenda  
identidem urgebatur.

VI. Unde post captam ab Ispo Asiam tanta  
in Alexandro morum mutatio?

Ab otio, amoréque voluptatum.

VII. Unde post Alexandri obitum Regni  
Græci divisio exsilit?

Quod Alexandro par nemo succederet;  
qui vel animo vel ingenio imperium adeò va-  
stum tueri posset.

VIII. Num Alexander in Sortis fastigio col-  
locatus, vere dici beatus potuit?

Minimè istud; quod enim & labore arduo  
comparatur, & modico admodum tempore

D

reti-

50 PARS IV. De Monarchia Graecorum.

retinetur, animum verò magnum beare non potest.

*IX. Quo tandem modo Providentia summi Numinis Monarchico Graecorum imperio in bonum electi populi fuit usus?*

Dum gregem suum numero exiguum adversus Graecorum vires ita protegeret, ut premi quidem à Syris, nunquam tamen opprimi pateretur. Sic futuræ prælusit Ecclesiæ, contra quam inferi nunquam essent prævalituri.

*X. Quam ex hac tenus intellectis Christianus Lector doctrinam deducet?*

Omnen Sæculi pompam Alexandri glorie esse persimilem, quæ, ut ut maxima, repente evanuit.

---

PARS IV.  
De Monarchia Romana.

Universa, latissimeque patens Historia partes duas complectitur; prior ea continet, quæ ob sui insolentiam ante institutam Monarchiam præ aliis memoriam merentur: posterior verò illa, quæ Monarchs ipsos ad ætatem usque nostram concernunt. Notandum, gestorum Constantini partem duntaxat aliquam hic à nobis referri, partem corundem alteram, alteri loco servari.

Memo-

Memorabilia Romana usque ad pri-  
mum Universi Imperii moderatorem.

Adverte 1. quæ ante Romanam conditam, 2.  
quæ post conditam, sub Regibus, 3. quæ sub  
Consulibus gesta sint.

## CAPUT PRIMUM.

De statu Italie ante ædificatam  
Romam.

I. Quænam Italie conditio erat, quo tem-  
pore primi eidem Reges imperabant?

Quæ de tempore illo habentur, incerta  
omnino sunt, quod eorum pleraque figmen-  
tis conspersa sint. Ajunt, Reges unum su-  
pra vicenos, Romulum præcessisse in impe-  
rio, primumque eorum exstitisse Janum, quem  
subin inter Deos locarunt fronte gemina spe-  
ctabilem; alterâ, quæ Juvenem referebat, hu-  
jus in futuros annos providentiam, alterâ,  
quæ senem, ejusdem experientiam ex præ-  
ritis, designaturi. Jani honoribus templum,  
cui à Pace nomen, Ronæ erectum stetit, so-  
litum aperiri, quoties Mars immineret, clau-  
di solitum, quoties ille discederet.

II. Quænam mutatio in Italid terris post  
eversam Trojam?

Delatus in Italianam sub agnum mundi bis

52 PARS IV. De Monarchia Romana.

millesimum octingentesimum septuagesimum  
primum Aeneas Trojanorum Principum u-  
nus, cum Laviniam Latini filiam solemnis  
Hymenæo sibi junxit, à Regis excessu in  
administrando Regno, & ipse & filii hære-  
dum jure successere.

III. Quisnam paulò antè, quam Roma con-  
deretur, eventus occurrit potatu dignior?

Desiderabat Procas Numitoris ac Amulii  
Genitor, sua ut post fata superstites filii di-  
visum inter se se imperium haberent. Displi-  
cuit Amulio mens ea Patris; rejecto hinc  
fratre, Egestho ejusdem filio cæso, filiaque  
Rhea Sylvia ad Vestalium ades detrusa, quod  
throni esset securior, sibi Regnum solus vin-  
dicavit.

Ubi Rhea Sylvia Romulum ac Remum or-  
bi peperit, mox utrumque Amulius Tyberi-  
nis fluctibus jussit submergi. Verum peper-  
cēt undæ gemellis insontibus, exposuere in  
litus proximum, ubi, ut fama est, à Lupino  
lacte, vel à mulierum una, quas Lupas di-  
cunt, nutriti, denique Pastorì Faustulo edu-  
candi cessere.

Postquam adolescentes suo à nutritio pa-  
store didicere, quo oriundi stemmate, quas in  
spes prognati, quibus item fatis destinati fu-  
issent ab Amulio, intimis sensibus commoti,  
adiecta sibi fida pastorum Manu crudelem  
Amulium suum in arce confodunt, Numi-  
tore

tore per vim nuper ejecto, regium rursus restituto in solium. Numitor gratias habiturus iis, qui se ad thronum denuo evexerant, spatium terræ donat amplum in primis, factique urbis ædificandæ copiam. Accipitue oblatus favor, &c., cum annus iret à mundo condito ter millesimus, ac primus, conditur & Roma.

## CAPUT SECUNDUM.

De rebus scitu dignioribus post Urbem conditam, cum ei Reges imperarent.

### I. Quid de Romulo Regum Romanorum primo memoria proditur?

Huic ut nomen, ita & primos ortus debet Roma; nec enim erectam penitus eam Remus spectavit, occisus à fratre, quod urbis moenia humiliora etiamnum, per ludibrium transiliisset. Sub ea tempora Romanam, non tam civium, quam nequissimorum hominum receptaculum dixisse, ita indulgente Romulo, quin & promovente; fecit enim hic, nè uxores his deessent. Spectaculum Romæ dandum commentus ingentem Sabinorum numerum eâ escâ propositâ pellexit in urbem; & vi quoque exhibita in eadem retinuit. Res ea cum Sabinis Romanos etiam armatos commisit. Nec diu tamen bellum

54 PARS IV. De Monarchia ROMANA.

id tenuit, cum Sabinorum Filiæ intercederent, palam contestatae, Romanis à maritis recessuras se nunquam. Consecuta hinc quietes primò, tum pax, tandem & utrinque amicitia. Qui opibus Romanos inter cives pollebant præ aliis, *Patrum*, horum filios *Patriorum* appellatione donavit Romulus. Divisa subin plebe in tribus suas, singulis Decuriones statuit, centenis omnino Senatoribus sibi adscitis, qui in regenda urbe suis ipsum curis, laboribusque juvarent. Tandem, quod Legum ab se latarum rigidus nimium exactor esset; clam sublatus è medio, inque syllabum Deorum relatus *Quirini* sub nomine venit. Anno nascentis mundi ter millesimo trecentesimo trigesimo octavo.

II. Qualenam Nume Pompilii secundi Regis Romanorum regimen?

Hic idolis & Ministros & aras, & certos cultus dedit, ac præcipue magnificum Jano templum. Annum, qui denis duntaxat constabat mensibus, ut posthac constaret duodenis, instituit. Complura sanxit præterea, regimini politico opportuna inprimis.

III. Qualis erat in suos Rex ordine tertius,  
Tullus Hostilius?

Tullo militarem primò peritiam, tum & gloriam Romani debent; primus enim erat, qui Romanæ Gentis Lauros intulit. Ipso iubente

bente tres Horatii Romani fratres, cum tribus item Curiatiis Albæ natis, mutua bella confecere. Ex Horatiis continuò gemini ferro succubuere. Tertius Curiatios singulos singulis cædibus prostravit, Victorque rediit. Stetit penes Tullum potestas Regni ad annum usque mundi ter millesimum quadringentesimum decimum quartum.

IV. Quid de Anco Martio, quarto Romano-rum Rege posteris traditur?

Hic Romæ nova struxit mœnia, ipsamque civitatem majora produxit in spatia. Urbem Ostiensem loco, ubi Tyberis fœse exonerat, idem ædificavit.

V. Quid de Tarquinio Prisco, dum Romanos regeret, perhibetur?

Græcus natione, oriundus Corintho Romæ domicilium fixit. Hunc ceu Virum notum prudentiâ Aeneus Martius suismet duobus filiis delegit tutorem, quam ille provinciam ea laude sustinuit, ut ei tandem imperium obtingeret universum. Sua Tarquinio insignia Reges debent Romani, ut qui corundem usum primus instituit A. M. ter millesimo quadringentesimo trigesimo septimo. Præfuit Regno ad annum ter millesimum quadringentesimum septuagesimum secundum.

*VI. Quam laudem à regendi arte tulit Ser-  
vius Tullius?*

Magnam sanè, ut qui Romanum non spatiis modò, sed & ordine Politices insigniter amplificavit. Sub annum M, ter millesimum quadringentesimum septuagesimum septimum, annos imperii sui protendit ad mundi annum ter millesimum quingentesimum secundum.

*VII. Quænam ultimo Romanorum Regi Tar-  
quinio indeoles? cur Romà pulsus?*

Indoles ei erat furore plena, fastuque. Hic, dum fortè hortos regios obambularet, summos papaverum vertices decussit, eo facto significaturus filio Tarquinio post captos Gabios in Magnatum capita pari ferocia desviendum. Quo ex tempore Regno præfuit, ea ferè re una sibi laudem paravit, quod Capitolinam arcem excitaverit. Cæterū omnes pessimos, ut indignus imperio una cum stirpe ejectus est Urbe. Regum hic fuit postremus, cui subrogati mox e Consulibus gemini, qui rem publicam cum potestate procurarent. Anno ter millesimo quingentesimo quadragesimo quinto.

**CAPUT TERTIUM.***De memoratu dignis sub regimi-  
ne Consulum.*

*Adverte, quænam fuerit Consularis forma  
regi-*

regiminis. Deinde per sequentes paragrapbos: i<sup>m</sup>ò quid ante, i<sup>d</sup>ò quid durante, j<sup>t</sup>ò quid finito bello Punico Romanis evenierit.

*Quæ erat forma Consularis regiminis?*

Amplissima fuit potestas Consulum sub prima tempora, ut, quæ à potestate Regum eo ferè uno capite distabat, quod Consulibus in annos singulos novi duo succederent. Tum, flagitante sic plebe, delecti fuere & alii, qui plebem tuerentur, tribuniplebis inde nuncupati, quorum potentia usque eò invaluit, ut populus autoritatem Consulū omnino supprimeret. Successere illis Decem-Viri, penes quos tempore aliquo rei summa perstebat, dum tandem ea rursus ad solos Consules universa rediret. Sed nè hæc quidem methodus inquietis subditis placuit diu, modò belli Ducibus, modò Consulibus rem publicam administrantibus. Tandem in eam ab omnibus sententiam ventum est (quæ jam dudum populo fuerat) ut Consulū alter legeretur è plebe, quæ regendi forma perseverabat, dum Imperatores gubernarent Imperium. Quando novarum quidpiam difficultatum nascebatur, Dictatores electi sunt, quibus potestas erat, quæ Regibus, ea tamen lege, ut eorum, quæ antè egerant, redderent rationem. Post abrogatos Reges, iisque subrogatos Cæsares conti-

nus Roma bellorum fluctibus impetebat.

### §. PRIMUS.

#### Quæ Romanis evenerint ante Punicum Bellum.

Quingentos intra annos antè, quam bellum oriretur Punicum, angustiores eò usque limites magnis auxere incrementis Romani, quando universam sibi Italiam subjecere, quæ tamen ex re ipsis bella septem horrida nata, quæ sequuntur.

#### I. *Quid in bello adversus Hetruscos accedit Romanis?*

Imploraverant ejecti Italiam Tarquinii Porsennam Hetruriæ Regem, ut hic rursus sceptrum, quod Romani ademerant, iisdem de nudò armatus redderet. Addixit Porsenna operam, quam tamen Romanorum Herœs duo, ratione, quæ sequitur, elusere.

Alteri nomen Horatius Cocles. Hic inimico agmini, dum per Tyberinum pontem Urbi imminet, mira dexteritate dimicans, unum se obicem ponit, dum ponte post terga dejecto ad suos felici natatu per aquas evaderet.

Alter Mutius Scævola erat. Mutato hic habitu in Porsennæ castra contendit, ipsum sua manu Regem interfecturus: sed aberravit illa à scopo, dum unum è regiis Ducibus, quem

quem pretiosior cultus à Rege haud satis distinxerat, prosterneret. Errorem hunc suum Scævola ut castigaret, exerrantem manum ardentibus prunis immisit, suo dolori has insuper minas adjiciens: esse Romanis ex Equitibus omnino trecentos, qui junctis contra Porsennam studiis errorem suæ hujus dexteræ certiore manu essent correcturi. Exarmavit ea loquentis libertas sic Regis animum, ut Mutium vinculis, Romam metu, pace data continuò liberarét. Anno M. ter millesimo quingentesimo quadragesimo septimo.

II. *Quis successus Romanis cum Veientum  
Populo?*

Quām sinistrè jacta est prima hujus belli alea, tam prosperè cecidit suprema. Persuaserant sibi Fabii ( stirps fuit inter Romanos inclyta ) unos se futuros pares, qui præsens bellum optato fine coronarent. Hinc trecenti numero cum multa clientum turba in hostem moverunt. At res seculis evenit; nam una strages Fabios omnes delevit eo dunataxat relieto superstite, quem prima ætas armis exitioque subduxerat, Romæ delitescentem. Contigere hæc anno M. ter millesimo quingentesimo septuagesimo septimo.

III. *Quid memoria dignum occurrit, dum  
Romani bella cum Faliscis gererent?*

Admoverat Camillus Faleriæ ( metropolis

60 *Pars IV. De Monarchia Romana.*

ea erat ) Romanas copias, cùm ecce! Ludi eiusdem publici moderator, nobilium puerorum stipatus grege extra Urbis moenia Camillo se offert, ratus, futurum, ut oblato tam liberali pignore oppidanis se dederent, Camillus verò industriam hanc suam manu munifica remuneraretur. At perfidum hominem designatus Camillus puerorum singulis porrigi virgas jubet, quibus instructi proditorem in urbem, unde advenisset, reverti eogerent. Hoc Camilli ingenium ita placuit obsecris, huic ut fese ultrò permitterent. Anno mundi ter millesimo sexcentefimo sexagesimo.

*IV. Quo armorum successu Galli contra Romanos sunt usi?*

Usi fuere successu aliquo, vel, si mavis, nullo. Postquam Galli universam latè Italiam quà ferro, quà flammis miserè devastassent, ad ipsam Romanū animos adjecere. Jamque post expilatam, incensāmque urbem eò processerant, ut admotis tenebrarum beneficio, scalis, Capitolii moenia superarent, cùm anseres insolitis stridoribus Marco Manlio arcis Praefecto hostem prodidere. Quo ex tempore id avium genus, ut cui suam Roma salutem debeat, Capitolina in arce magno semper pretio fuit. In eam denique sententiam cum Manlio venere Galli, obsidione urbem se liberaturos, ubi mille auri libris eam liber.

Pars IV. De Monarchia Romana. 61

libertatem oppugnati cōemerint. Mora multa non fuit, & numeratur peculium, quod petitur, at, dum inter altercantum turbas aurum examinatur, advolat cum suorum manu, quam tumultuariē collegerat, Camillus, cogitque hostem & prādam relinquere, & Urbem. Repetiēre quidem Galli eandem s̄æpiūs aream, indē tamen nunquam, nisi magna suorum clade reversi. Sævierat sub eam tempestatem in Romanos lues pestifera, simul & portentoso hiatu terra patebat, cū oraculo edocentur cives, tum malo denique finem affuturum, ubi thesaurus urbis maximus ei voragini pabulum fieret. Excitavit ea vox Curtium nobilissimum Equitem, ut consenso protinus equo ipse habitu, armisque insignis hianti cavernæ generoso saltu sepe præceps immitteret, datus eo facinore thesaurum maximum, quem ille fortē animum existimabat. Et verò vix præceps Curtius iverat, & minui civium funera cæpere. Anno ter millesimo sexcentesimo nonagesimo secundo.

V. Quonam Marte Romani cum Samnitibus pugnarunt?

Non nisi multis, magnisque stetit laboribus, dum tandem Romanis subderentur Samnites. Ad urbem Caudium Romano militi res nimirū arcta; nam inimico vallatus exercitu jēc redactus est angustiarum, ut semi-nudus,

62 Pars IV. De Monarchia Romana.

nudus, omniumque patens ludibrio erectam furcam pronus in poplites perreptare haberet necesse. At turpissimam labem hanc, Romanæ impactam Genti, ultima luerunt pernicie Samnites. Anno M. ter millesimo septingentesimo octogesimo secundo.

VI. Quid in bello cum Latinis gesto memorabile?

Torquatus Manlius eo in bello filium proprium capitali suppicio sustulit, quod is non expectato Parentis imperio hostem aggredi fuisset ausus, quanquam prælium id cœsleric Romanis ex voto. Anno ter millesimo septingentesimo decimo quinto.

VII. Quisnam bello cum Tarentinis suscepto exitus fuit?

Sub finem exoptatus omnino. Piratarum more naves Romanorum Tarentini invaserant, eorundemque Oratorem despicerant superbè, quan ob rem illi in Tarentinos movere armati. Superati primò certamine Tarentini à Pyrrho Epirotarum Rege subsidia petiere. Adfuit ille, &, quod secum elephantes duceret, eam usque in pugnam animal haud cognitum Italis, non terrori modò Romanis, verum & exitio fuit, ut quos acie profligavit, eo tamen propriarum copiarum damno, ut assleverare auditus sit, parem se victoram vel suis hostibus exoptare. Dum

ver  
bu  
ten  
ad  
sub  
  
De  
  
1.  
  
C  
dice  
terr  
tio  
tas,  
vidi  
incre  
phili  
absu  
tas.  
band  
tur  
gine  
pend  
seu  
ribu  
peti  
cede

verò identidem instaurantur prælia, succubuit Pyrrhus, ut adeò sex annorum spatio extenuatus viribus, minimè invitus remearet ad suos, Tarentinis Romanorum potestati subjectis.

### §. SECUNDUS.

De memorabilibus Romanis tempore triplicis belli Punici.

I. Quænam in primo bello Punico notata digniora contigere?

Carthaginenses, qui Africam incolunt, dicebantur & Poeni. Regio, quam tenuère, terra Punica, unde & bello Punico appellatio facta. Moverat Carthagini Romana felicitas, quâ in Italiae terris flôrebat, dudum invidiam; veriti proin Poeni, nè eadem novis incrementis succresceret, sua horum triumphis arma objicere constituebant, nec diu absuit exequendi hujus consilii opportunitas. Et Romani, & Poeni suam esse cupiebant Siciliam; quare in hanc arma parabantur ab utrisque. Cùm verò intrâ annos viginti ac tres, quibus bellum illud flagraverat, penes Romanos ut plurimum staret victoria, seu terrâ seu mari dimicaretur, pax à Victoriis petenda Carthagini fuit. Nec rejecta petitio, eo tamen pacto, ut & Siciliam ipsis cederet, & septies ac vigesies centena nummum

mùm millia numeraret. Anno M. ter mille-  
simo octingentesimo duodecimo.

*II. Quid de altero cum Pœnæ bello memo-  
randum venit?*

Alteri huic bello primas faces attulit Sa-  
guntus, Hispanæ civitas, ab Hannibale Car-  
thaginensium Duce fortissimo cœpta oppu-  
gnari. Cùm enim urbs ea Romanis esset jun-  
cta foedere, eorum quoque sub præsidio fuit.

Hannibal, qui novem puer annorum so-  
lemni sacramento odium in Romanos ad a-  
ras spöonderat, palam denuntiato illis bel-  
lo cum Pœnorum exercitu trans Alpes in Ita-  
liam movit, eo armorum successu, ut quater-  
nis è præliis, Romanis cadentibus, ipse vi-  
ctor rediret. Certamine, quo ad Cannas pu-  
gnatum est, ultimo, quadraginta suorum mil-  
lia Romanus desiderabat. Pretiosi ex auto  
annuli cæsorum ea strage Romanorum No-  
bilium complures modios explevere, quos  
subin Hannibal illustre documentum victo-  
riæ, Carthaginem submisit.

Prostravit ea clades adeò vehementer Ro-  
mæ superstitis animos, ut conclamatum pe-  
nitus de salute fuisset, si suâ Victor fortunâ  
in rem suam uti melius novisset; dum enim  
hic, nescio quas moras necdit, spatiuum Ro-  
manis fecit, quo fractas illi vires aliquantum  
reficerent. Certè Fabius Maximus, propè  
unicus rem amissam restituit; & cunctando  
qui.

*Pars IV. De Monarchia Romana.* 65

quidem, quo Hannibal's robur magnam partem infregit. Dictus inde Fabius *Cunctator*. Cæterum interea temporis ita vires, & cum his virtus pristina rediit Romanis, ut pares brevi essent, qui inimicam potentiam soli repellerent.

Ea inter Italos mora cùm Hannibali in dies gravior accideret, subsidiarias Carthagine copias accivit. Jámque Asdrubal frater octoginta suorum millia fratri erat juncturus, cùm interceptus à Romanis fuit, cæsusque. Subin Hannibal, se in Africæ tutiora recipiens, Africano à Scipione (à perdonata Africa sic nominato) excipitur, premitur, profligatur. Factum indè ut Carthago pacem supplex peteret, nec repulsam ferret, ubi data fide promisisset, nunquam posthac futurum, ut Româ non annuente, ulla cum aliis arma consereret; futurum præterea, ut suam classem ad navium triginta reduceret numerum. Gestâ hæc sub annum ter millesimum octingentesimum quinquagesimum secundum.

Spatio illo temporis, quod ab altero ad tertium usque cum Pœnis bellum fluxit, Macedoniae sibi, Syrosque subjecere Romani.

*III. Quo tandem fine terminatum est tertium cum Pœnis bellum?*

Postquam Pœnos inter & Romanos ipsis quinquaginta annis firma pax stetisset, Ro-

66 *Pars IV. De Monarchia Romana.*

mani denuō ad castra redière, nempe à Carthaginensibus provocati, dum hi contra datam ab se fidem Masinissæ Numidiæ Regi, non requisitis ea super re Romanis, arma intulissent. Catoni hæc stetit sententia, sola ut Carthago, caput tumultuum, pœnas exsolveret, diruta penitus & æquata solo. Multum ab hoc diversus Scipioni animus, volenti, infringendam quidem Pcenorum potentiam, eliminandam non item; habituros enim hac ratione Romanos, quo sua inimicis in jugulis arma, velut ad cotem identidem acuant, nè obducta inertī rubigine sibimet ipsis plagas omni bello funestiores conslicant. Verum mutatis rursum consiliis, idem Scipio Carthaginem evertit, cùm incolæ oblatas pacis conditiones respuerent. Tenuit obsidio quadriennium, quo oppidanî intentatum nihil reliquerant, ut obsidentium frustrarentur conatus. Ubi ferrum ad procudenda arma defuit, in ejus vicem argentum aurumque accersebant: tigna ædium aptabantur in naves, è capillis mulierum funes parabantur. Tandem vi expugnata civitas, nè flammis interiret hostilibus, ipsa sibi faces subjecit, quibus septendecim dierum intervallo consumpta subsidit in cineres, cum hac & bellum. Universa Africa Romanis post-hac Provinciis annumerata. Anno mundi ter millesimo nongentesimo octavo.

§. TER-

§. TERTIUS.

De bellis, quæ Romanæ Genti fuere  
cum externis post eversam Car-  
thaginem.

Per singulas orbis tunc cogniti partes, Eu-  
ropam, Asiam, Africam sua Romani arma  
circumtulere, postquam bello Punico fuisse  
finis impositus. Argumento, quæ infra re-  
ferentur, sunto.

I. *Quo eventu progressi sunt per Europam  
Romani soluto bello Punico?*

Sæculum fluxit integrum à bello Punico, usque dum suos Roma Cæsares haberet, quæ intra tempora universam sibi Hispaniam Romani subdidere post urbem Numantiam, quam annorum quartuordecim obsidione eò redigere, desperatis ut rebus finem factura, igni ferroque semet ipsam perderet. Julius Cæsar Galliam Romanis Provinciis suorum virtute armorum adjecit. Efecit hic ipse, ut Britannia singulos in annos tributa penderet Romanis.

Cymbri, qui Dani sunt hodie, postquam Romanorum exercitus quatuor, continuis totidem præliis deléssent, tandem ipsimet unā cum armorum Sociis Teutonibus prope Aquas, quæ Provinciæ civitas est, succubere, ducentis & nonaginta militum millibus

partim cæsis, partim suo cum Rege Teuto-bocho in vincula abstractis. Arioistus Rex Teutonum & ipse Julio Galliam cessit, præ-liō superatus, ultraque Rheni littora se co-  
ctus recipere.

*II. Num prospere Romanis res in Asia  
fuere?*

Prosperæ omnino; nam primò quidem Re-  
gnum Pergamenum, thesaurique cum hoc  
opulentissimi cum ultimo ejus Gentis Rege  
Attalo: tum Armenum, sub Tygrane: Pon-  
ticum dein sub Mithridate, Regionum ex-  
arum Rege postremo, sub potestatem venere.  
Fuit Mithridates viginti duarum notitiâ lin-  
gvarum clarus, clarus item ferro, quod Ro-  
mani multum persensere, diuque. Hic, nè  
in hostium manus veniret, sua ipse fata prior  
occupavit mucrone, ubi venenum antè hunc  
ipsum in finem haulissèt innoxius. Porrò  
Romani Hebræos, quos primū sibi junxe-  
rant foedere, fuerantque contra hostes tuta-  
ti, hos denique ipsos sibi tributarios fecere.

*III. Quid rerum in Africa iidem gesserunt?*

Jugurtham, qui Numidiæ solium per vim  
invaserat, armis petierunt, quæ tamen hic,  
datis muneribus, tam dexterè elusit, ut diu  
extra teli jactum graviorem esset. At non  
perpetuò valuit ea industria; nam captus ab  
hostibus, ductusque in triumphum Roma-  
næ civitati spectaculo juxta ac ludibrio suit.

Sed

Pars IV. De Monarchia Romana. 69

Sed & Ægyptus, ut alias memoravimus, post  
fata Cleopatræ Romanorum Imperio accessit.

§. QUARTUS.

De bellis Romanorum intestinis ante  
Monarchiam conditam.

Dum penes Consules Imperii fasces essent,  
attigerat Romana felicitas supremum verti-  
cem. At mox inde disturbata est armis do-  
mesticis, iisque multo suorum sanguine hor-  
ridis, quando jam in Magistratum cives, jam  
Patrii in semetipsos mutuis odiis, cœdi-  
busque surrexere.

I. *Quæ bella Populo adversùs Senatum  
erant?*

Quas Tribuniplebis populi bono Leges  
fanxere, eadem ipsæ, eeu totidem scopuli  
fuere, ad quos allisa quies publica concide-  
ret. Harum unam dixere legem *Agrariam*,  
quæ Nobilium usibus certa terræ portio de-  
signabatur, portione, quæ supererat, relictæ  
civibus. Aliam nominavere *Fumentarium*,  
quod communi ære conservari Granarium  
vellet, unde sustentando Populo pars affi-  
gnata cederet. Tertiæ legi *Judiciali* appella-  
tio, quæ & Senatorès, & Equites publicis  
adessè consiliis, ac ferre calculos imperabat.  
Lex *Civitatis* Jura eadem, quæ civibus, fœ-  
deratis quoque tribuebat. Atque ex lege

70 Pars IV. De Monarchia Romana.

hac bellum emersit *Sociale*, dum foederati negata sibi civium Jura ferro expetebant.

2. In Siciliæ terris servi contra Dominos sese armârant, quod hi potestate sua uterentur asperius. Et verò à servis Romani prostrati sunt compluribus in præliis, denique tamen ipsi, qui vicerant, missi sub jugum imperata rursus fecere. Bellum hoc à servis *Servile* nuncupatum. Spartacus Gladiator, & ipse sibi servorum adsciverat manum, qua permolesta initio Romanis extitit, dum tandem pars seditionum potior caderet ferro.

3. Impius Catilina, quod affectati honores Consulis ei negarentur, facta cum æquilibus conjuratione, Romanum flammis destinavit. Verùm scelerata consilia detecta in tempore Orator Cicero, qui sub eam tempestatem & Consulis fungebatur officio, dissipavit penitus, evertitque. Conjectus igitur in fugam est primò Catilina, paulò post & è vita abiit, ubi latronum exercitum, quem per eos tumultus corraserat, prælio amississet. Anno mundi ter millesimo nongentesimo nonagesimo primo.

II. Quenam bella Patritii invicem gessere?

Tria: & primo quidem Sylla, Marius, ac Cinna, altero Crassus, Pompejus, & Cæsar. Tertio Lepidus, Antonius, Octavius mutua arma conserebant.

1. Marius & annis gravis & armis inclitus,  
cum

cum ægre admodum ferret, Syllam juvenem copiis in Asiam ducendis præfectum, illud tandem apud Senatum potuit, ut hic commissio Syllam officio amoveret, Mariūmque sufficeret. Ablatos sibi honores Sylla tam acerbè sensit, ut ultimos in furores exæstus, copiarum partem Romæ admoveret, pulsōque indē Mario Cinnam Consulem diceret, à quo novā rursus sententiā exercitui præfetus, perrexit in Asiam, bello Pontico finem daturus.

Vix ille abierat, & Cinna desertis Syllæ partibus Mario adhæsit, omnibus, qui à partibus Syllæ steterant, & Româ pulsis, & eorundem fortunis direptis in spolium.

Dum hæc in urbe geruntur, ex Asia redux advolat Sylla, adversæque partis centena omnino millia vel exilio mulctat, vel capite. Ipse à Romanis, Dictatoris perpetui dignitate insignitur, cui post exactum triennium ultro renuntians, annum qui vitæ supererat, voluptatibus tradit, & pediculari tandem morbo conficitur.

2. Crassum inter, Pompejum, ac Cæsarem ut animorum, sic & armorum erat arcta Societas, quod tamen vinculum mors Crassi infregit, Parthico nimirum in bello extincti. Morientis ori liquefactum hostes aurum ingessere, eo tormenti genere niuinam hominis avaritiam castigaturi. Coorta subin-

ter duos contentio, num Cæsari potestas prima, num Pompejo competeret? formidandum bellum accedit. Primus inimicæ signa Cæsar extulit, quando Pompejum eje-  
cit Italiā. Nè verò aurum, nervus belli, ip-  
sum deficeret, expilato Romæ ærario cente-  
niorum argenti aliquot millia secum in Hi-  
spaniam avexit, turbas, quas Pompejani illic  
concitaverant, compositurus. Indè delatus  
in Asiam Pompejum ipsummet aggreditur,  
quem & Pharsalicis in campis acie devictum  
eò redigit, ut à fuga salutem peteret, in Æ-  
gyptum contendens, quæ tamen ei terra exi-  
tio fuit.

Cæsar subinde composito, quidquid seu  
in Asia seu Europa tumultum supererat, tri-  
umphantis ritu Romanam ingreditur, Dictato-  
risque perpetui honoribus ornatur. Unus  
denique habens imperii capessit, qua ex re  
à multorum calamis Imperatorum Romano-  
rum primus celebratur. |Cæterum, quām  
ampla potestas Cæsari, tam & fuit brevis.  
Annus enim non abiit, & in ipsa curia Ro-  
mæ à conjuratis tribus ac viginti confectus  
vulneribus, occidit, turbatæ libertatis pu-  
blicæ insimulatus. Fuit Cæsar hic militari  
gloriâ non inclytus modò, sed facile omnium  
summus, ut cui quinquagenis è præliis diver-  
sorum hostium triumphatori Roma applau-  
dit. Verum, quām magnus bello, tam infa-

mis

mis avaritiâ, ambitione, libidine, idem extitit. Ejus tamen memoriaz è mensibus unum, quem Quintilem antè indigitârunt veteres, jam julium dedicavêre. Cæsus anno mundi quater millesimo decimo.

3. Octavius Nepos Cæsarîs, quem & Hæredem suum idem dixerat, inito cum Lepido, Antoniôque fædere, tres in partes divisum tenuere Imperium, unde sunt & *Trium-Viri* nuncupati, improbantibus licet eam regendi methodum Cassio, ac Bruto, & ambo bus pro libertate Romana acriter dimicantibus. At successu nullo; nam uterque in Macedonia acie superatus, nè superstes porrò viveret probro, manu quivis sua obtruncatus periit.

Sed & *Trium-Viratus* hic integer diu non stetit, Lepido non jam suo, sed Octavii arbitrio agere coacto, ut cui, nescio quid similitatis cum illo intercederet, nec resistendi parsupeteret copia.

Antonio Socero, annuente Senatu, bellum denuntiârat Octavius, tum quod is Octaviâ sorore suâ repudiata, Cleopatram sibi conjugem superinduceret, tum, quod fama esset, unum illum Ægypto dominari constituisse. Et verò cessit Octavio ex animi sententia belli alea, Antoniô ad promontorium Actiacum in Epiro situm castris exutô, ac

subin, dum fugitivus Aegyptum peteret, sua-  
met manu confosso.

Stetit ergo penes unum Octavium rei uni-  
versæ summa, ità consentiente Senatu, ità  
annuente populo, dum mundus annum nu-  
meraret quater millesimum vigesimum quartum,  
quo & Natales accepit suos Monarchi-  
cum Romanorum Imperium potestate Con-  
sulum, Reique publicæ penitus extincta.

**Notanda circa Romanam historiam  
antè, quam Monarchicum impe-  
rium esset.**

**I. Cur in Nabuchodonosoris statua crura fer-  
rea Romanum Imperium designabant?**

Ad demonstrandam Romani potentiam  
Imperii, ut enim ferro metalla cedunt reli-  
qua, ità Romano imperia cætera.

**II. Unde Romanis tanta felicitas exstitit?**

Tum quod felicitate illa Deus virtutes eo-  
rundem politicas, Justitiam præcipue coro-  
naret: tum quod ob abominabilem cultum  
idolorum, aliisque enormia flagitia præmium  
aliud dare non posset. Tum quod horum  
Respublica optimis legibus regeretur.

**III. Quinam apud Romanos Divini erant  
ritus?**

Risum hi merebantur; tot enim sibi Deos  
Romani fixerant, ut vix locus privatis in æ-  
dibus

dibus aut campis existeret, cui non certus quispiam Deus præsideret.

IV. Unde in re tanta, tanta profluxit insania?


Quòd ad terrena duntaxat procuranda, servanda, augenda, curas Romani, cæteram sapientes, suas protenderent, parùm solliciti de veri Numinis vel notitia, vel cultu.

V. Cur Romani antè, quām Monarchas haberent, tam paucos habuere literatos?

Quòd eis res plerumque cum armis esset: inter arma verò, ut leges, sic & artes silere soleant.

VI. An Julius Cæsar rectè primus Romanorum Monarcha nuncupatur?

Licet talis re ipsa is fuerit, titulò tamen Monarchæ à Scriptoribus universè non donatur, quòd eo regnante, Romanus Populus libertatis suæ umbram saltè aliquam tueretur, quæ regente Imperium Augusto, & ipsa disparuit, ipsèque à Senatu, Populóque Romano Imperator proclamatus.



*De Romanis Imperatoribus usque  
ad Constantimum Magnum.***CAPUT PRIMUM.***De Romanis Imperatoribus Sæculi  
primi post Natum Orbi Servatorem:**I. Quis Romanorum primus Monar-  
chiarum fuit?***I. Augustus.**

Finito ad Actium prælio, Romani Imperii Monarcha primus salutatur à Senatu, Populoque Romano Anno mundi quater millesimo vigesimo quarto. Fuit Augusto magnus ac liberalis in omnes animus. Quos præ cæteris Doctrina commendavit, hos ille cæteris multò præhabuit. Quare Virgilius, cum hoc & Horatius eidem primo fuere in pretio. Ut adeò regnante Augusto, & Liberales pariter artes residerent in solio. Communi ab omnibus ore *Patria Pater* audiebat. Eam ab omnibus commendationem tulit, ut vox una omnium esset, Principem, qualem in Augusto suspicerent, vel nunquam debuisse huic mundo nasci, vel certè huic nunquam per mortem subduci. Principis adeò Romanis dilecti, æstimatique memoria, ut & in posteris perennaret, hujus nomine mensis Augustus, quem antè Sextilem nominârunt, donatus est.

II. Qualis Augustus in Prædonem publicum fuit?

Quod in Caracotta animi excelsi argumentum dedit, ante alia celebrari meretur à Posteris. Multo Augustus ære Caracottæ prædonis caput licitatus erat, cùm ecce! ipse prædo se Augusto sifst, pretium, quod patetus cum eo Cæsar fuerat, qui Caracottæ caput offerret, animosus exposcit. Acquiescit petito Augustus, pretium rependit, &, quod omni est pretio potius, vitam condonat.

III. Quo franco Augustus iram cōercuit?

Ed, quod Athenodorus, Sapientum unus, eidem suggestit. Ubi ei animum affectione tentari persensit, mox recitatis silentio Græci Alphabeti literis spatium mansuetudini, quâ ubique, sempérque inclaruit, dedit.

IV. Quis modus, quisve terminus regimenis Augusti fuit?

Ipos quatuor supra quadraginta annos ad Clavum Imperii consedit, ut plurimum nullis tentatus vel seditionum turbis vel hostium armis. Solitus timore ac amore, beneficiisque suorum sibi animos subjicere, &, ut ut abundè consilii ipsi suppeteret, aliorum tamen placita lubens admisit, si quod majoris momenti negotium occurreret.

V. Num vitiis Augustus caruit?

Caruit minimè, & fædæ libidinis, & avaritiae

tiæ sordes virtutum aliarum splendorem ob-  
scurabant summopere. Et avaritix quidem  
documento illud esto, quod Licinio Præfe-  
cto evenit: cōégerat Licinius malis artibus ē  
subditorum crumenis peculium, quod, cūm  
Augustus compertum haberet, imò corām  
spectaret ingentem auri vim, bono Princi-  
pis, ut prætexebat, ademptam subditis, non  
modò pñas ab homine non petiit, sed hujus  
quoque studia dilaudavit. Porrò indignum  
Imperatoris animo illud erat: ubi intellecta  
suarum clade Legionum, quibus Varus præ-  
erat, in eum animi mœrorem abjectus fertur,  
ut menses aliquot antè abirent, quam Augu-  
stus à pallore, dolorēque rediret ad se. Quin  
& ajunt luctum hunc animi, allis is interdum  
muto cervicibus fuisse testatum, eas conti-  
nuò voces ingeminando: *Quintili Vare, red-*  
*de Legiones, quas perdidisti.*

#### *VI. Quo anno Servator orbis est natus?*

Annum, quem sui regiminis trigesimum  
numeravit Augustus, Natales Servatoris in  
Bethleem illustrârant. Anno mundi quater  
millesimo quinquagesimo tertio, quo ipso  
tempore universum per orbem tumultus bel-  
lici altum filebant. Ex eo die, quo Servator  
orbi est natus, solemni edicto cavit Augu-  
stus, nè ipsum quis deinceps vocare Domi-  
num attentaret. Annos adhuc ubi vixit qua-  
tuordecim, Nolæ civitate Campaniæ cessit  
ē vita.

2. Tiberius.

I. Qualis Tiberio indeoles erat?

Multum sanè, imò ex integro diversa ab Augusto. Erat hic Augusti Privignus, nec ab hujus moribus admodum abluserat, quando Imperii fasces, primùm accepit. Verùm haud diu sibi constare potuit simulata virtus, quando mox in aperta crudelitatis, libidinis, ebrietatis vitia prorupit. Simulandi, dissimulandique artem ità calluit, ut eum vel intimi non haberent perspectum. Cùm occultus animum dolor premeret, serenitatem vultu præferebat, cùm secundis afflueret, mærorem, animique turbationem simulabat. Quos odio prosequebatur, blanditiis, quos amaverat, terroribus opplebat. Unde nemo erat, qui non ab hoc Protheo suæ vitæ timebat. Verbum, quod adversus ipsum incautiōri exciderat: vultus minus bene ad placendū compositus, querela, quam forte ii, quos periculi de subditis faciendi causā emiserat, referebant, tametsi nullo niterentur vero, ad inferendam necem, erat abundē. Et hoc à turbine nè illi quidem, quibus maximè Cæsar assueverat, eximii fuere. Seianum certè, quem Imperatoris favor ad summa evexerat, ejusdem furor, dum metueret inimicē, depresso ad ima.

II. Quo tempore Servator in crucem est actus?

Anno imperantis Tiberii decimo nono  
crucis

crucis supplicium servator sustinuit, cui etiam vivo Tiberius divinos honores decrevit, ubi de iis, quæ supra naturæ ordinem ille geslerat, à Pilato fuisse edictus. Vivere tandem Tiberius desit annorum plenus, anno à suscepso regimine vigesimo tertio. Demortui manibus communis omnium ordinum gratulatio parentavit. Anno Christi tricesimo septimo.

### 3. Caligula.

#### I. *Qualis erat Caligula, dum imperaret?*

Avunculum Tiberium impietate superavit. Quam ille immensam auri copiam (centum omnino millions erant) corraserat, brevi admodum tempore dilapidavit, post in id unum intentus, quibus jam studiis deficiente pecuniam instauraret. Has inter conquirendi æris industrias & illa fuit, quâ morti propinquos, sua ut sibi bona transcriberent, cœgit: dum verò his sanitas prior rediret, jussit tyrannus morantem animam impelli corpore, quò certius citiusque per eorum funera ad eorundem fortunas penetraret.

#### II. *Quæ speciatim insanæ Documenta edidit Caligula?*

Voluit à suis cultu affici Divino. Aliorum simulacris Numinum capita abstulit, sua imagine in eorum subrogatâ locum. Sonipendem

dem, cui *Incitato nomen*, quo utebatur, non convivam modò mensæ Imperatoriae adhibuit, cibosque aurea è patina præbuit, sed & Romani Consulis eidem honores decrevit. Conqueri auditus est, quod, se regnante, Roma ab incendiis, fame, lue pestifera, terra tremoribus vacaret.

III. *Quousque suam ille saevitatem provexit?*

Satis ei non erat, morte affici mortales: ut tormentis modisve, quam fieri posset, exquisitissimis perirent, laboravit, saepius in has voces adhortatus tortores: ita cædite, ita malitate, ut morituri se mori sentiant, mortis amaritudinem veluti per guttas degustando.

Denique in lucem protracti sunt publicam geminai crudelitatis libelli, quorum alteri *Gladini*, alteri *Pugio* nomen: horum nempe utrique eorum inerant nomina, quos violentæ neci destinasset, que res indigna adeò, ac invisa suis accidit, ut ii ipsi, qui custodire Imperatoris corpus debuerant, illud triginta vulneribus, applaudente Roma, confecerint. Anno nati Redemptoris quadragesimo primo.

4. *Claudius.*

I. *Quanam ratione Claudio Imperatoris Romani Dignitas obtigit?*

Romanus Exercitus Imperatorem Claudiū pronuntiavit, non opinantem duntaxat

id minimè, sed, quòd mortem metueret, jam fugæ accinctum, quando Consules, Monarchici regiminis saturi, Cæsaream stirpem ( cuius & Claudius surculus esset ) tollere universam cogitabant. Non ità cum Consulibus milites sensere, ut quibus certum erat novum Cæsarem dicere, & hunc, Claudium quidem; quo enim timidus ille magis, hoc & imperio aptior jam videbatur; nec enim à tali indole exspectandam sævitiam censebant esse, quam olim in Tiberio, nuper in Caligula fuissent experti, cui militum sententiæ & à Senatu fuit acquiescendum.

### II. Quenam Claudio indeoles erat?

Ingenium erat Claudio infirmum sanè, ut, quod & servorum, quin & foeminarum consiliis facile obtemperabat, quæ non nisi effera, crudeliaque suggesterant: quibus & factum, ut Consulum civiūque haud pauci gladio caderent, quorum cædem dissimulans Claudius etiam cur abescent, requirebat. Messalinam fæminam pessimam, quam sibi thoro junxerat, manu violenta extinxit, percontatus subin, dum ad cœnam illa non compararet, ubi locorum moraretur? Messalinæ Agrippinam suffecit, cui ut par conjugii dignitas, ita & par impietas erat. Hæc maritum veneno perdidit, ut Neronem filium sceptro admoveret; cum enim cæcus uoris amoribus maritus Hæredem nominarat.

Occu-

Occubuit Claudius anno salvati orbis quinagesimo quarto.

§. Nero.

I. Qua imperandi ratio fuit Neroni?

Omni dignum laude primum fluxit quinquennium, quo Magistrum Senecam audiit, ejusque ductum fuit secutus. Huic ut a scultare desiit, crudelitatis portentum evasit; nam & præceptorem Senecam, & Agrippinam Matrem, & uxores geminas, cum his germanum fratrem. Viros denique à moribus ac genere laudatissimos dedit neci.

II. Unde prima in Christi Cultores persecutio?

Primas persecutioni Christianorum flamas Nero attulit; cum enim hic Romanam civitatem ignibus subjecisset, indeque cives seditionem spectarent, authores turbarum Christianos proclamavit, in quorum proin vitam omni tormentorum genere savitum est. Horum non paucos ferarum animantium pellibus insutos, canibus pabulum fecit, alios pice, resinaque oblitos, nocturnis spectaculis ceu faces adhibuit. Geminis rei Christianæ Columnas Petrum ac Paulum, hunc quidem ferro, illum crucis ligno prostravit.

III. Quanta prodigentia Neronis erat?

Pratereo silens turpissimas libidines, qui-  
bus

bus vel brutis inferiorem se fecit. Veste*s* in dies singulos ita mutavit, ut toto anni tempore nunquam eadem recurreret. Retia vennantis ex aureo erant filo. Mulos soleis pariter aureis voluit muniri. Vim æris ingenitem in profligatissimæ vitæ homunciones effudit. Palatum, quod sua ex mole civitatem diceres, erexit, illudque, quod auro copioso incrustatum esset, aureum dixeré. Aliò prefecturum Imperatorem currus millenis pauciores nunquam sunt comitati.

*IV. Quis tandem huic hominum portento fuit exitus?*

Omnibus ob flagitia exosus cum esset, quæsus ad necem, suo maluit, quam alieno mucrone cadere, quem proin sibi per viscera aedigit. Anno Domini sexagesimo octavo.

6. Galba. 7. Otho. 8. Vitellius.

*I. Quid Galbae accidit?*

Nerone etiamnum superstite, ab exercitu Galba Imperatoris dignitate ornatur. At, ubi severitate nimia fuisset usus in suos, ab his ipsis, mense ab inauguratione septimo, contoditur.

*II. Quid Othoni evenit?*

Otho, qui Galbae successerat, quatuor intra menses sui regiminis attigit metam. Hic ab exercitu Italico evictus ad thronum est, quo

quo ipse tempore Vitellius à milite, qui in Germania bellabat, Imperator promulgatur. Devicit hic prælio ad Cremonam Othonem, qui probri impatiens sua ipse manu se peremit.

III. Quid de Vitellio memoratur?

Vitellius hominis ventri per omnia devoti prodigium, mense sui imperii octavo, Romanam per civitatem raptatus strangulatur, subin Tyberinis fluctibus datur in prædam.

9. Vespasianus.

I. Quonam Vespasianus gradu Imperii verticem attigit?

Tenuium parentum filius ad thronum promotus est à Romano milite, quod arte bellica excelleret, quæ tanta in eo erat, ut hunc ante alios Nero parem judicaret, qui natas in Iudea turbas compesceret. Rebus compositis, ubi Titum filium copiis sui loco præfecisset, in Italiam ipse revertitur.

II. Quodnam regimen Vespasiani fuit?

Quod vel exoptare Romani poterant, gratus erat omnibus; nam & in omnes usque èd benevolus, ut gravi detentus morbo, sibi tamen adeundi copiam nulli eorum negaret, qui indigerent. Una avarities tot inter virtutes, vitium fuit; nam ipsas ob cloacas, certum sibi ab urbe vestigia voluit pendi. Mor-

86 Pars IV. De Monarchia Romana.

tem ubi vicinam sensit, corpore erectus in  
has propè voces animam emisit: *Cesarem o-*  
*portetstantem mori.* Excessit anno imperii  
sui Decimo, servati orbis septuagesimo nono.

IO. Titus.

*Quis, qualisve Titus erat?*

Vespasiani Parentis optimi, melior filius,  
*orbis universi Delicium*, omnium ore celebra-  
tus. Ad bene merendum de aliis adeò pro-  
nus, ut diem illam, quā in neminem favoris  
aliquid contulisset, pro nulla haberet. Unde  
& dignam imperatorio fastigio sententiam  
protulit, quando Principes eum in finem or-  
bi natos asséruit, suis ut prodeßent. Erant,  
qui nimiam ejus munificentiam sugillarent,  
quibus illud unum ille reposuit, oportere, ut  
Princeps suorum neminem mœstum dimit-  
tat. Biennium exegit Princeps acceptissi-  
mus, cùm allato, ut aliquorum fert sententia,  
per fratrem Domitianum veneno vivere de-  
sir luctu Romanorum tanto, qui sublato or-  
bis universi Delicio debebatur. Cùm nu-  
meraret orbis à Servatore nato annum octo-  
gesimum primum.

II. Domitianus.

1. *Unde altera in Christum persecutio  
nata?*

A Vespasiani degenere filio, fratreque  
Titi,

Titi, prô! quâm absimili! Domitiano. Ultimis hic cruciatibus complura Christianorum millia enecuit.

II. *Quodnam Domitianus convivium apparavit?*

Cùm satur esset humani sanguinis, cænam instruxit à ritu sanè barbaro & urbi, & orbi non famosam duntaxat, sed execrabilem, cui tamen ille Nobilium florem voluit interessere. Quæcunque seu sub oculos, seu sub aures venerant, luctum, dolorem, præsentemque mortis imaginem præseferebant. Aulam, quæ convivas excepit, pullati tapetes instraverant. Sedilia visabantur è ligno, columnis seu totidem tumulis, quorum & formam referebant, non tam nixa, quâm super easdem reclinata. Collucebat ex harum singulis pendulus tristis è lampade feralis lichnus, tremulaque luce suum cuvis assidentium nomen tabellæ inscriptum exhibuit. Simul datum est initium epulis, simul atritorum turba Epheborum ingreditur, omni eo ritu perfuncta, quem mortuorum funeribus exhibere solebant. Quò verò tristior, certiorque mortis prostaret facies, Domitianus ipse sermone ad extremum luctum ( moriendi necessitas argumentum erat ) composito, hospites allocutus, nullum non eorum in horrores supremos affutare propediem horas ultimæ conjicit. Tandem ita saginatos ter-

88 Pars IV. De Monarchia Romana.

roribus, domum quemque suam, curribus exceptos regiis, dimittit. Ità dimissos novo metu singulos conficit, dum in singulorum foribus Palatinum statuit, at, non, qui mortem, quam omnes, sed pretiosa munera, quæ nullus, exspectaverat, sui Principis nomine elargiretur. Ut adeò structa scena ex læto saltē fīe cessaret esse tragædia.

III. Quenam fastū stultissimi idem Domitianus argumenta dedit?

Non Domini modò, verùm & DEI vocabulo voluit honorari, dum interea mimicus ille Deus, domi conclusus, venandis ibi multis horas ac dies non paucas tereret.

IV. Qualis morienti Domitiano exitus fuit?

Trifti syllabo, qui eorum tenebat nomina, quos atro notatos calculo certæ lanienæ Cæsar destinârat, & Domitiæ Imperatricis nomen inerat, quod illa, cùm non sive horrore intimo spectâssest, in mariti perfidi caput cum suis conspirat, necatque serpentem veneno, nè veneno hujus icta ipsa prior consideret. Anno Nati Domini nonagesimo sexto, imperantis Domitiani decimo quinto.

12. Nerva.

I. Quinam huic mores?

Non ex Italia, ut ii, qui præcesserant, sed ex Creta insula oriundus, munificentia, Clementia-

mentiæque laudibus ubivis innotuit, longè  
alius ab Antecessoribus. Abolitis, quæ Do-  
mitianus pessimè sanxerat, Decretis, de com-  
muni Bono insigniter meritus, & Christia-  
nos quoque sibi devinxit, ut in quos ullis  
posthac seu vexationibus, seu suppliciis ani-  
madverti cavit severè. Dignus, qui vitam  
longius produceret, emensus bienium sui  
imperii, prævalentibus annis excessit è vita.  
Anno Domini nonagesimo octavo.

## CAPUT SECUNDUM.

### De Romanis Imperatoribus secun- di sæculi.

#### 13. Trajanus.

##### I. Quænam Trajano regendi ratio fuit?

Trajanus, Natione Hispanus, ea commen-  
datione Romano præfuit Imperio, ut *Prin-  
cipis optimi* appellatione ab omnibus exor-  
naretur. Ut ut clementiā excelleret, Chri-  
sto tamen inaugaratos, ceu inimicos Numi-  
num, mille suppliciis excruiciabat. Ubi au-  
tem à Plinio juniori, Præfecto quopiam suo,  
de horum integritate edoctus, sævire in illos  
paulò mitiùs cœpit.

##### II. Quæ ante alias in eo prærogativa eminuit?

Tum quòd ab ira nunquam se triumphari  
passus sit: tum quòd in bello contra Dacos

90 Pars IV. De Monarchia Romana.

gesto, suāmet purpura militum sauciorum vulnera ligārit, dicere auditus non raro, eum se futurum suis, qualem, si ipse subditus foret, suum erga se Principem vellet. Ceterum ebrietatis ac libidinis vitia, quamquam Trajano dominarentur, tamen, vel à subditis observata non sunt, vel certe ab his diffimilata, quod rei summam administraret ex omnium voto. Obiit post decimum nonum annum regiminiis anno Christi 117.

14. Hadrianus.

I. Quānam de hoc celebrant Scriptores?

Hadrianus & ipse Hispanus, quem Trajanus sibi filium adoptaverat, eruditionis laude in primis, tum pacis studio, item comitate morum, omnium in se animos, amoresque convertit. Cum forte urbis compita obambularet, vetula ausa est ab eo alloquium petere, quod dum hic, negotiā causatus, negāsset, mox illa ad Principem. Renuntiaret igitur imperio, quando ei aures ad miserorum querelas non paterent.

Intempestivum monitum animo Cæsar accepit non æquo duntaxat, sed optimo, quare & sine mora sui alloquendi copiam afflictæ indulxit.

II. Quām in regendo tenuit methodū?

Subjectas sibi Provincias ut plurimum pedes peragravit, ordinavitque, suæ ubivis pruden-

prudentiæ statuens monumenta. Hebræos, qui rursus ausi fuerant superbas cervices seditionis erigere, omni enervavit labore, nec paulò mitior Christianis aliquanto tempore fuit, cum quibus tamen haud multò post, perfectis, quos in eorum defensionem Quadratus (Apostolorum discipulus fuerat) porrexerat, libellis, in gratiam rediit. Annos viginti ac unum sedit ad clavum, indè per mortem avocatus anno Domini centesimo trigesimo octavo.

### IS. Antonius Pius.

*Qualisnam buic suos regendi modus?*

Ab Adriano adscitus in filium, hujus & inhæcere vestigiis egregiè instituit. Pacis cultor eximius, Barbaris quoque in pretio fuit. Mole celeberrima, quæ ab Adriano nuncupatur, antecessoris sui tumulum exornavit. Lege sanxit, nè ulli posthac fas esset, quemvis in ius vocare eo duntaxat nomine, quod Christi Dogma sequeretur. Post imperium annos tres supra viginti administratum, à curis requievit anno Servatoris centesimo sexagesimo primo.

### 16. Antoninus Philosophus, & Lucius Verus.

*I. Quidnam de his refertur?*

Eadem in imperium potestas utriusque erat,  
indo-

indoles eadem non itèm. Cùm Antoninus à Virtutibus, Verus frater à vitiis duntaxat celebraretur, quæ hunc brevi admodum (gulæ præsertim intemperantia) tumulo intulere. Antoninus, quod Philosophiam alias ante liberales Disciplinas adamaret, Philosophi adeptus est appellationem. Certè ex scientiæ illius Placitis illud obtinuit, ut in prosperis juxta & adversis sibi semper idem constaret. Indè nata illi familiaris sententia, felicem omnino, beatumque populum existere, cui vel præcessent Philosophi, vel, qui præcessent, colerent Philosophiam.

### *II. Quale prodigium calitus contigit inspectante Antonino?*

Ea tempestate, quâ Antoninus cum Quadris, ac Marcomannis (hodie Moravos, Bohemosque nominamus) bello decertabat, res evenit prodigiosa in paucis, quam & suismet oculis usurpabat Imperator; cùm enim hic ab inimico exercitu Wandalorum præcipue, Polonorum, Suevorumque operâ undique circumventus, proximus exitio esset, siti nimirum extingvendus cum suis, Legionum una Romanarum, quæ se Christo jam antè devoverat, fusis ad eundem precibus, undas expedit. Et enī petitæ continuò pluviae cadunt, solaque Romanorum castra imber ille recreat; ære, cui hostium agmina suberant fulgebris tonitruisque fragoribus tam hor-

horrendum crepante, ut in metum primò, mox in fugam hostem conjiceret. Imperator, quæ coram ipsis spectasset, simul Romanis Senatoribus prescribit, simul, nè triste quidpiam Christiano Nomini posthac eveniat, prohibet severè.

III. Unde quarta in Christianos orta est persecutio?

Quanquam multò aliter Imperator statuerat, Provinciarum tamen Praefecti barbarè admodum Christianos habuere; unde horum odio quartæ persecutionis erupit tempesta, cui nova accessere augmenta ab Imperatore Commodo, qui Antonino successit. Obiit Antoninus anno Christiano centesimo octogesimo. Administrati ab ipso Imperii decimo nono.

17. Commodus.

I. Qua potissimum ex re hic orbi innotuit?

Ex morum turpitudine, ac crudelitate. Quod furor Gentilium in Christianos quartum desaviret, Author ille fuit. Romanos Senatores, viros item primi sanguinis secum ut in arenam descenderent, cœgit, quibus, cum arma è plumbo, sibi è ferro ad vulnerandum apprimè facta dari vellet, plagi singulis, singula funera respondebant cæforum; quibus ille ridendo insultabat.

*II. Qualem triumphum idem de cohorte mendiculorum retulit?*

Crudelem omnino. Cöegerat unum in circum universam cætorum, claudorum, variisque corporum miseriis laborantium, quos tam Roma habebat, turmam. Quemvis horum, ubi spongia instrui jussisset, quâ quivis se defenderet, ipse aream ingressus clavam vibrans prægrandem, postquam in enemem turbam multis etiam vulneribus, multisque trucidatis depugnasset, velut re præclarè gesta celebravit triumphum. Neque hic stetit insania. Divinis appellari nominibus, habituque Herculis indutus, coli ut Deus voluit. Impatiens coronatæ hujus belluaræ populus eandem jugulavit anno decimo tertio occupati per illum solii, nè verò vel memoria monstri superesset, Nomen hujus erasit, statuásque confregit. Anno Christi centesimo nonagesimo secundo.

18. *Helvius Pertinax.*19. *Didius Julianus.**I. Quid de his occurrit?*

Helvius, quod invitus thronum consenseret, Pertinax nuncupatus, post trimestre imperium, idque non integrum, à militibus, quorum licentiam compescere conabatur, confuditur. Didius Julianus, qui coronam, pretio

pretio conduxerat, visus eadem indignus, postquam hanc decem hebdomadas gestâsse, violenta subditorum manu periit. Scilicet, pudebat Romanum, talem sibi præesse, qui non merito, sed auro illuc evasisset, ut dominari posset.

### CAPUT TERTIUM.

De Imperatoribus, qui tertio sæculo  
Romanos regebant.

20. Septimius Severus.

I. Quanam ratione hic ad sceptrum fuit  
promotus?

Gente Afer à Militibus Imperator nominatur. Ea dignitate ut certior, securiorque fruatur, Pescennium ac Albinum ( qui & ipsi ab aliis eo tempore, locorum alibi fuerant Cæsares proclamati ) dedit neci.

II. Unde quinta invaluit persecutio in  
Christianos?

Idem Septimius persecutionem hanc exicitavit, idein & promovit. Ob dolores podagræ, cum Regni curis minus jam idoneus haberetur, militum calculis filio habenæ Patris destinantur: quo Severus comperto, sellâ gestatoriâ in Curiam delatus, iussisque, qui pro filio sensissent, coram adesse, dum hi rerum hac facie conterriti, purgare factum parent,

rarent, præcipitem eorundem sententiam eo dicto castigavit, an ignorarent, populos capite, non pedibus regi? Moriens in has voces desit: *Omnia fui, & nihil mihi prodest!* anno mundi ducentesimo, undecimo.

## 21. Caracalla & Geta Fratres.

### I. *De Caracalla regiminis initio.*

Caracalla ut solus imperaret, Getam fratrem, dum hic ad Matris gremium, cœu asylum confugisset, fors trucidavit, ut verò exdem hanc Beneficio compensaret, fratrem Getam in syllabum Deorum retulit. Papiianus Juris peritus, quod scelus hoc improbarer, morte luit, quā & omnes, qui à fratriis partibus stetere (viginti omnino millia) interière.

### II. *Quenam crudelitatis specimina Alexandria edidit?*

Civium plurimos nece sustulit cruenta, quod ab eis fuisset risu exceptus, cui tamen ipsem et materiem dedit: voluit nimirum per omnia magno par Alexandro haberi, cum hoc uno similis Alexandro esset, quod ut ille, sic & ipse capite ad lœvam magis proclivi incedere soleret. Postquam sexennio nemini non gravis solium occupasset, Macrini manus, purpuram alteri reliquit. Anno Domini ducentesimo decimo septimo.

22. Macrinus.

*Quis Macrinus fuit?*

E plebe ortus, sola militari peritia ante alios insignis à Romano Milite præficitur imperio, cui, cùm biennio, èoque non integro præfuerisset, violenta manu & vita & solio dejectus.

23. Heliogabalus.

*Quinam Heliogabalo mores fuere?*

Heliogabalus à cultu muliebri dictus & Sardanapalus, anno ætatis quinto decimo regni Romani gubernaculis est admotus. Hic, ut ut à natura animo satis capaci esset instructus, mente tamen motus vel credi voluit, vel certè potuit; adeò enim ab omni ratione diversa imperabat. Jam patinam cristicis Gallorum plenam, jam pavonum cerebro, jam ovis perdicum, mensis jussit inferri. Dum forte civitates mari adsisas incoleret, feripi, dum iis in regionibus versaretur, quæ à mari essent magis remotæ, piscium omni genere voluit satiari. Mensæ attribuit modò non nisi Strabones, subin strumosos, aliàs Calvastros, Nasones, quos hospites cibis vel è ligno vel cera formatis pessimè saturos domum remisit. Si quos primi ordinis Convivas vocasset, iis sedilia (utrum infstar) àere turgida subjecit, quæ rarescente aura subsidentia, eos, qui infederant, cum ludibrio in terram deponebant.

G

rent.

rent. Insaniæ porrò suæ ultimum specimen daturus, quotquot aranearum telas in urbe fuerat reperire, in unum jussit cumulum congeri, quæ suo pondere dena librarum millia confecere, docturus nimirum eo facinore, quæ amplitudo Romanæ civitatis esset. Necdum finierat quartus regiminis annus, & dum fors naturæ necessitati indulget, exturbatur à statione spiritus. Corpus, pro ludibrio per urbis compita vectum Tiberi spolium datur. Anno Christi ducentesimo vicesimo secundo.

#### 24. Alexander Severus.

##### I. Quas hic sibi laudes comparavit?

Alexander, cùm annum ageret ætatis decimum ac sextum, imperium adiit, communī cum Augusto, Trojanōque Principis optimi donatus appellatione. Huic ut in pretio, sic & amoribus erant, qui literis eminebant, horum præsentia unicè affici solitus. Iis; qui vel assentoriam, vel histrionium profitebantur, procul amandatis. Ulpianus, quo Præceptore utebatur, loco ei erat præcipuo: hujus, quemadmodum & aliorum prudentum, quos inter sua & in Regia Christianos plures numerabat, consilia exquirebat saepius, iisdemque & promptus acquiescebat. Illud singulare, quod Ulpianum, quem antè diximus, dum huic inimici necem pararent, propriæ objectu purpuræ protexerit.

II. Quod-

II. Quodnam axioma illi solemne fuit?

Quod tibi non vis fieri, alteri ne feceris. Regulam hanc à Christianis acceptam & in Aula & compitis loco voluit publico prostare. Tandem, quod in milites videretur asperior ( unde & Severum nominabant ) eorundem furoribus atque mucronibus cecidit victima. Anno imperii sui decimo tertio, Christi ducentesimo trigesimo quinto.

### 25. Maximinus Thrax.

I. Qua Maximinus re potissimum claruit?

Opilionis hic filius eminentiā corporis, roboreque ita præstabat, ut si cum eo vel duodenī in certamen venirent, unus ille subiugendis omnibus sufficeret. Quadragesita bulbæ carnis libras una refectione solitus absumere. Primus ille fuit, qui in cœdem Sevari juravit, cui successit iu folio, haud annuentे quidem Senatu, sed volente milite.

II. Quæ erat sexta in Christianos commota persecutio?

Maximinus Imperator, cùm omnes, quotquot ei minis grati acciderant, è medio tolleret, in eos præcipue crudelitatis arma expediit, quos compererat, cùm Christo sentire: ante tamen alios ultimis cruciatibus eos affecit, qui legum Divinarum vel Doctores existarent, vel Sacerdotii dignitate fulgerent. Certus, extinctis hisce facibus, suas lapsuram in tenebras rem Christianam universam.

*III. Qualis exitus morienti fuit?*

Crudelitas Maximinum suis adeò execranda fecit, ut, ceu Patriæ lues pelleretur solio, eidēque sufficeretur Gordianus, qui cùm ætate nimium proœcta sustinendis Regni negotiis parùm aptos afferret humeros, Gordianum filium in officii societatem vocavit: Verùm haud multò post utrumque mors cruenta subduxit imperio, quod, ne diu omni prorsus sustentaculo careret, Senatus Romanus Pupienum, eum hoc & Balbinum substituit. Dispicuit electio militi Romano, quod facta ab Senatu esset, quare utrumque, quem ille recens statuerat, orbe ejecit. Quo interea fato & Maximinus in castris ad Aquilejam unà cum filio interiit. Postquam is biennio needum exacto non tam imperiis, quam cædibus Romam funestâsse. Anno redempti orbis ducentissimo trigesimo septimo.

*26. Gordianus tertius.**Quid in hoc laude dignum?*

Hunc quoque Romanus Exercitus Cæarem dixit. Quam ætate tenuis, tam natus videbatur imperio Gordianus, id, quod ab edito mox regimine palam fuit. Misitheo Socero, Viro insigniter prudenti, Præfecturam urbis detulit, ingenti omnino publicæ rei bono. Verum non diu tenuit ea Romæ malacia, quando Gordianus, cùm à regni sui auspi-

Pars IV. De Monarchia Romana. 101

auspiciis annum quintum posuisset, Philippi Arabis (eosdem ille fasces ambierat) scelere fuit peremptus, quem non multò antè Misitheus præcessit ad tumulum pari fato sublatu-  
tus è vivis. Anno post natum Deum-Homi-  
nem ducentesimo quadragesimo quarto.

27. Philippus cum Philippo Filio.

*Quenam utriusque huic conditio?*

Philippus Arabs ultimæ homo fortunæ, qui Gordianum per vim expulerat solio, eodem & ipse, evoluto necdum quinquennio, per vim derurbatus est, à milite Romano, cu-  
jus studia Decius nesciò, quanam arte occu-  
pârat. Philippum filium, quem throni so-  
cium Parens elegerat, habuit & socium fati. Placet nonnullis, Philippum Christianis pri-  
ùs sacris fuisse initiatum, cui sententiaz pauci  
accedunt, quod illius amores Christiano Do-  
gmati parùm responderent. Cæditur anno  
Christi ducentesimo quadragesimo nono.

28. Decius.

*Quis Author septima persecutio-  
nis adversum Christianos?*

Triennium non excessit Decii regimen, eos tamen intrà limites Christi sectatores undique conquitos, igni ferróque persecutus est. Bellum, quod in Scythas suscepérat, ei fatale fuit; nam à Treboniano Gallo, Du-  
cum suorum uno hosti proditus, dum fu-

gam parat, ita limosæ paludi infigitur, ut demortui cadaver nulli amplius omni etiam labore adhibito, pateret. Anno Domini ducentesimo quinquagesimo primo.

### 29. Gallus & Volusianus.

*Quid Gallum Rome invisum, aliis infamem fecit?*

Perfidus hic Decii proditor ut Christiano, sic & Romano Nomi*n*i summè noxius fuit; in eas enim cum Scythis pacis conditio*n*es descendit, quæ Romanæ Majestati, omnes apud Gentes summæ, maculam aspergerent multò turpissimam, cùm certum in annos singulos tributum dare sponderet. Qua ex re indignus habitus, qui vitam aut regimen porro extenderet, unà cum Volusiano filio regni socio, utroque privatus est. Anno Christiano, ducentesimo, quinquagesimo quarto.

### 30. Æmilianus.

*Qua ex causa bujus regimen breve adeo fuit?*

Hic, ubi eos, qui Imperantem præcesserant, suis ceu consiliis ceu artibus indè expulisset, solium tandem assècutus est. At trimestre non abiit, & abire jussus est, ipse interfectus à suis, quod, cùm exiguis nimis Natalibus esset, indignus tanto fastigio habetur.

### 31. Va-

### 31. Valerianus ac Gallienus.

I. Unde orta est octava in Christianos  
persecutio?

Valerianus Gentem Christianam quantis  
potuit, persecuti furiis, viribusque conten-  
dit. At non impunè. Nec enim multò post  
à Sapore, Persarum Rege, prælio devictus, da-  
tusque in vincula, toto, quo superfuit, vitæ  
spatio, miserabile spectaculum fuit, dum Sa-  
pori, equum insensuro, pro scabello serviit,  
eumque in finem ferreæ inclusus caveæ Re-  
gem comitari jussus. Tandem detracta pelle,  
inspersusque sale excessit orbe.

### Gallienus.

II. Quid de hoc monstro memorant?

Quod scelerato Patre sceleratior esset Fili-  
us, eo demonstravit, quando Parentem vin-  
culis eximere cùm possét, ad aliorum quo-  
que preces surdus renuit. Voluptates fæ-  
dissimas cùm Regni curis præhaberet, in de-  
terius abiére omnia. Prorupere diversis è  
Provinciis Tyranni triginta, qui Romani Im-  
perii habenis inhiabant. Ipsa eadem tempe-  
state hostes barbari Romanas terras tenta-  
tis assultibus variis invaserant. Dedit vexa-  
tio tandem intellectum; nam & Gallienus  
tandem arma paravit, quibus vim illatam  
Romanis finibus repelleret. Sed expulsus  
ipse regno & mundo à conjuratorum manu

prope Mediolanum properavit ad plures, Imperio per annos quindecim pessimè administrato, Anno Nativitatis Dominicæ ducentesimo sexagesimo octavo.

### 32. Flavius Claudius.

*Quid de hoc laude dignum memoria proditur?*

Militaris scientiæ laudibus insignis, diu exulem Romano ab Imperio Pacem sua ille prudentiâ restituit. Cujus egregium tunc argumentum dedit, quando Senatui, num Tyrannos antè, num verò Barbaros opprimi oporteret, interroganti, haec in sententiâ respondit: oportere omnino Barbaros antè armis subigere, cum hi universæ Patriæ; Tyranni verò unius Cæsaris hostes existarent. Cæterùm eo in bello trecenta Gothorum millia cecidere, navigia eorum bis mille naupta fluctibus sunt, universa denique Patria à Tyrannis purgata. Biennium Claudius imperio præfuit, lue subin afflatus pestifera occubuit. Anno Domini ducentesimo septuagesimo.

### 33. Aurelianus.

*Quis ortus persecutioni nonæ fuit?*

Quam egregius stetit pro tuenda Patria, tam crudelis fuit pro extirpanda re Christiana Aurelianus. Post captam Reginam Zenobiam, quæ potentiam hucusque in Oriente prævaluit, post Tetricum, qui Galliæ sceptro

sceptro imminuit, domitum, triumphum adoravit, qualem Roma antè nullum spectarat. Quinto imperii sui anno confessus excedit. Anno Dei-Hominis ducentesimo septuagesimo quinto. Septem fluxere menses, & suo Imperium Moderatore supremo cavit, nec Senatu, nec Exercitu alium pronuntiare auso. Tandem Senatores Tacitum elegere, Virum Musis, & Paci, plus addictum, quam armis. Tenuit hic imperii summos fasces semestris spatio, quos Florianus demortui Imperatoris frater cum sibi percuperet, oppressus & ipse occubuit. Anno Nati Domini ducentesimo septuagesimo sexto.

### 34. Probus.

*Quodnam huic Encomium ferunt scriptores?*

Bello ut aliis celebrem, ita Teutonum Genti formidandum se fecit. Hos enim, dum in Galliis turbas moverant, fastum & arma ponere armatus ipse cōégit, dum quadringenta eorum millia ferro profligavit. Novenis Regibus, Regulisque non nisi flexo poplite supplicibus concessit pacem. Tot victoriis clarus magnifico apparatu Romam ingreditur, cuius celebritas quò esset solemnis, ingentem vim arborum cum harum radicibus Romam transferri, publicaque in area jussit plantari, quò haberet Romanus Populus, ut vel intra mænia animo simul, ac venatui indulgeret. Quem in finem Strathio-

106 *Pars IV. De Monarchia Romana.*

thiones mille, mille item cervos, aprósque, luce postera Leopardos centum, Leones ducentos, ursos centenos munificentia verè Imperatoriā absumentos reliquit. Sexto imperii sui anno occiditur à seditioso milite, quod eum & pacis tempore ducendis aggerum fosfarumque laboribus plus quam æquum fuerat, fatigaret. Anno Domini ducentesimo octogesimo secundo.

35. *Carus Parens, Numerianus ac Carinus Filii.*

*Cur tam breve his tribus regimen fuit?*

Carus post Provincias nonnullas, quæ Romanis ademptæ fuerant, denuò recuperatas primo regiminis anno decedit. Numerianus Cari Filius, Vir apprimè bonus, haud multò post funus Paterno futeri adjicitur ab Apro, qui & ipse post Diocletiani manu exsūs occubuit. Carinus Cari Filius minor natu homo voluptarius, cùm anno altero Occidenti imperat, suis à belli Ducibus trucidatur. Anno Christi ducentesimo octogesimo quarto.

36. *Diocletianus, ac Maximianus.*

*I. Cur primus horum infamis adeò?*

Diocletiano Romani militis favor coronam imperii imposuit, quam ille sorte minor nimirè capiens, quod minor Natalibus, hoc fastu

stu major, eò est prolapsus amentiæ, ut calceos quidem suos gemmis pretiosissimis exornari; se verò ipsum, honoribus divinis jussit coli.

*II. Qualis persecutio contra Christianos decima erat?*

Legerat Diocletianus Maximianum in Consortem regni simul ac furoris socium, quo, si ullus alius, majori in Ovile Christi uterque grastatus est. Sola Ægypti terra centies mille, iterumque quadragies quater milie numerat eorum, qui sanguinem pro fide dedere, illorum verò, qui eandem causam luere exilio, septies centena millia.

*III. Cur duo insuper Imperatores electi?*

Cum Romanum imperium hostes impeterent undique, necesse habuit Diocletianus & Maximianus, ut regni tutelam in plures dividerent. Erat horum alter Constantius Chlorus, alter erat Galerius.

*IV. Qua ratione vitam transegit Diocletianus post imperium ultrò abdicatum?*

Post imperium viginti per annos curatum, placuit Imperatori utriusque, posito gubernaculo sibi soli vivere. Diocletianus proin Salonæ in Dalmatia, solo nimirum patrio, vitam egit privatam, ubi in hortorum cultura ( stupente Imperio ) egit novennium. Ubi dein Magnus Constantinus imperare Romanis cœpit, Diocletianus, quod conjurationis

tionis insimulatus, male suis cervicibus metueret, fata, quæ metuit, adacto suamet in viscera ferro, occupavit. Cæterum, Maximianum, acto privatos inter parietes sexennio, sceptrum posuisse pœnituit, maluiss'etque sibi regnum rursus assérere. At, jugulavit in semine hoc Maximiani propositum Constantinus, quando hunc ceu seditionis, jussit tolli è vivis.

### 37. Constantius Chlorus ac Galerius.

#### I. *Quid de his constat?*

Et Diocletiani Gener erat uterque, & uterque ejusdem Consors imperii, postquam Diocletianus cum Maximiano ejus curas ultra posuerant.

#### II. *Cur repudiatur S. Helena?*

Constantius, Constantini Magni Parens, repudiata Helena Conjuge, Theodoram Maximiani Privignam in thorum adscivit, eoduntaxat consilio, ut hoc ex hymenæo firmius sibi solium staret.

#### III. *Quid laude dignum in Constantio?*

Licet ipse deos coleret Gentilium, animo tamen erat à Christianis minimè alieno, quin & in illos prono. Urbs Constantia ad Lacum sita Aconianum, & Alemannis identidem irruentibus, objecta, Constantio huic tanquam Conditori se debet. Obiit Constantius anno Christi ter centesimo sexto.

#### IV. *Quid*

IV. Quid in Galerio vituperatur?

Quod sua ille odia, furorésque in Christianam Gentem exereret. Adscivit hic sibi, ut regui; sic & ferociæ socios Licinium & Maximinum. Ipse à vermis vivus depascitur. Maximinum, superatum à Licinio morbus pariter foedissimus aufert. Licinius à Constantino debellatus regno exiuitur. Cæpit Constantinus Magnus habenas imperii primò moderari anno Nascentis Domini tercentesimo sexto.

Observanda circa historiam Imperatorum tribus primis sæculis.

I. Quisnam status Romano erat Imperio sub Imperatoribus?

Primo Sæculo Imperatores ut plurimum pessimi obtigere. Alteri, magnam partem probi, à quibus & Regno summa æstimatio fuit. Tertiô sæculô jam probi, jam improbi velut vices mutarunt. Unde difficultia prorsus ac funesta pertulit Imperium.

II. Quinam Romanæ Reipublicæ magis prodierant, num Consules? num Cæsares?

Procul omni dubio Cæsares profuissent magis, si probi exstitissent singuli.

III. Quæ causa mutati in Monarchiam regiminis?

Bella civilia, simulatæsque cruentæ Monarchicum regimen ceu summè necessarium rebus

110 Pars IV. De Monarchia Romana.

rebus afflictissimis remedium postulabant, sc-  
cùs peritura fuerat universa Respublica.

IV. Unde mores tam profligati tot fuère  
Cæsaribus?

Rerum abundantia, prædominans libido  
fontes fuère tot scelerum. Tum, quòd reli-  
gione, verique cultu Numinis iidem desti-  
tuerentur.

V. Cur Imperatorum nullus veris accessit sa-  
cris, nisi tot prodigiis, vel certè irrefra-  
gibili aliorum testimonio perceptus?

Indignos fecerunt sese favore Legis Evan-  
gelicæ, scelera cumulantes sceleribus, vitam  
agentes brutis simillimam.

VI. Quare Christiana Religio ab Imperato-  
ribus tam fuit atrociter impugnata?

Quia vivendi ratio, qua Christiani utaban-  
tur, à solutissimis Imperatorum moribus  
toto erat Cælo diversa.

VII. Quoniam consilio DEus nascentem Ec-  
clesiam tempestatibus tam horridis per-  
misit subjici?

1. Ut doceret, suæ structuram Ecclesiæ non  
humanæ opus esse dexteræ, sed Divinæ, cer-  
tè aliás tot inter, tantásque persecutiones  
peritaram. 2. Ut veritatem fidei illæ gen-  
tes agnoscerent, in cuius gratiam tot cente-  
na millia Martyrum ultrò & læti occubuis-  
sent.

Pars IV. De Monarchia Romana. III

sent. 3. Ut novella Ecclesia duris exercita,  
altiores figeret radices.

VIII. An non profuisset magis Ecclesiae,  
si quot Imperatores, totidem & Fanto-  
res habuisset?

Minime; sic enim humanâ potius opera  
ædificium tantum visum fuisset surgere in  
altum.

IX. Si ex asperis tanta Ecclesie emolumenta  
obvenerunt, cur non à singulis Imperatori-  
bus persecutiones permitta est pati?

Ut planta tenera densas inter nives nun-  
quam adolesceret, nisi & à sole identidem  
recrearetur; sic & arbor Ecclesiae debuit qui-  
dem exerceri duris, ut firmaretur; recreari  
autem & prosperis, ut crescendo palmites  
extenderet.

X. Quo tempore vera Religio Romæ capit  
florere?

Sub prima imperantibus Claudiis initia.

XI. Quando S. Petrus Christi Vicarius suam  
Romæ cathedram fixit?

Altero Claudi regnantis anno.

XII. Unde tertio presertim seculo, tot Imperantium mutationes?

Tum ex levitate militum, quibus ea re-  
gnan-

112 Pars IV. De Monarchia Romana.

gnantium mutatio placebat; cum ex invidia  
regnare cupientium.

XIII. Cur Imperatores militum plerumque  
suffragiis legebantur?

Quia, ut arma, sic & potestas omnis, digni-  
tásque penè ipsos stabat.

XIV. An fidem meretur Trajani animam  
precibus Magni Gregorii liberatam  
ab inferis?

Fabula hæc est, cuius nulla ullo in scri-  
ptore, fide digno, exstat memoria, nec à  
quoquam fidelium unquam credita, quid-  
quid pro sua fingendi ac criminandi libi-  
dine hæretici sibi licitum velint.



Ta.

— 6 ( ) —  
S 3

## Tabula Chronologica Quatuor Magnarum Monarchiarum.

### Monarchia Assyrica.

1	Nimrodus regnavit ab An. 1879.	ad An. 1944
2	Ninus regnavit 52 an. ad	1996
3	Semiramis 42 ad	2038
	sequentes 33 Reges regnârunt 1120 annis.	
37	Sardanapalus regnavit an. 20 ad	3178
41	Salmanassar 8. ad	3317
42	Sennacherib 6. ad	3323
44	Merodach à 3345	—————
47	Nabuchodonosor 44 ad	3472
49	Balthasar 20 ad	3516
	Stetit 1637 annis.	

### Persia.

Ante erectam Monarchiam pertinebat ad Assyriam, à qua post Sardanapalum avulsa, primò ad Medos, post ad Cyrum transiit.

### Monarchia Persica.

Cyrus regnavit à 3516. an 8. ad	3524
Cambyses 7. an. ad	3532
Darius Hist. 36 ad	3569
Xerxes	

Xerxes I.	20.	ad	-	-	-	3589
Artaxerxes Long.	40.	ad	-	-	-	3629
Darius Noth.	19.	ad	-	-	-	3649
Artaxerxes Mnem.	40.	ad	-	-	-	3689
Darius Ochus	26	ad	-	-	-	3714
Arses	4.	ad	-	-	-	3718
Darius 6.	ad	-	-	-	-	3724

Stetit annis 208.

## Græcia.

Divisa in varia regna, in quibus initium sumit

Syconicum	1890
Atheniense	2446
Lacedæmoniense	2570
Expeditio Argonautarum	Anno 2739
Eversio Trojæ	2793
Ætas fabularum ad an.	2895
Initium Olymp. Comput.	3278
Athenæ feliciter pugnant cum Persia	3546
Tota Græcia cum Xerse	3574
Initium belli intestini Græcorum	3596
Græcia à Philippo oppugnata	3700

## Monarchia Græcorum.

Alexander regnavit 6. an. ab Anno 3724  
ad 3730.

Regnum Macedoniæ post Alexandrum sub 17  
Regibus integrum stetit ad an. 3887  
Syria-

Syriac  
ÆgyptiJanus  
PostExstru  
mul  
Post RInitium  
Felicia

Triple

Hoc  
usq  
Varia

Octav

reg  
Primo  
rat,Secund  
Tertio

Seq

43 (o) 83

Syriacum sub 22 Regibus ad an.	3991
Ægyptiacum sub 13 Reg. ad an.	4024
Stetit an. 300.	

## Italia.

Janus Rex imus	2722
Post hunc regnârunt usque ad Romulum 21 Reges.	
Exstructio Romæ & exordium Regiminis Ro- muli	3301
Post Romulum regnârunt 6. Reges ad an.	3545
Initium Regiminis Consul.	3545
Felicia bella cum variis popul. Ital. usque ad 3780	
Triplex bellum Punicum ab an. 3790 ad	3908
Hoc & aliis temporibus varia bella externa usque ad an.	4000
Varia intestina ab an. 3967. ferè usque ad an. 4024	

## Monarchia Romana.

Octavius Augustus Imperator	4024
regnavit an. 44 usque ad A. C.	15
Primo sæculo post Nativit. Christi 12 Impe- rat. usque ad A. C.	98
Secundo sæculo 7. Imperat. ad A. C.	193
Tertio sæculo 18. Imperat. ad A. C.	306
Sequitur Constantinus M. A. C.	306


Syn-

# Synchronismus Actor. Ju- daicor.

Abraham vixit ab An. 2039 ad an.	2214
Isaac à 2139 ad	2319
Jacob à 2199 ad	2346
Moyses à 2464 ad	2584
Exodus de Ægypto	2544
Judicum tempus usque ad	2962
Tempus Regum ad	3446
Captivitas Babyl. per 70 An. ad	3516
Regimen Summorum Sacerdotum post Capti- vit. Babylon. ab An.	3516
Alexander venit Jerosolymam sub regimine Jaddi Summi Sacerdotis An.	3722
Ægyptiaci & Syrici Monarchæ graviter per- sequuntur Judæos.	
Judæi vincuntur à Pompejo An.	3991
Herodes Rex	4017
Christi Nativitas	4053
Christi Crucifixio	4086
A. C.	33
Annunciatio & dilatatio Evangelii.	
Decem graves persecutions.	
Publicum & liberum exercitium fidei sub Con- stantino M.	



14  
19  
46  
34  
44  
62  
46  
16  
ti-  
16  
e  
22  
er-  
  
91  
17  
53  
86  
33  
  
on-



Biblioteka Jagiellońska



stdr0022053

